

## DE RE HOR

TENS I LIBEL

L V S,



Vulgaria herbarum, florum, ac fruticum, qui  
in hortis conseri solent, nomina Latinis uocibus  
efferre docens ex probatis autoribus.

*In puerorum gratiam atque utilitatem.*

VIRTUTE DVCE,



COMITE FORTVNA.



Lugduni apud Seb. Gryphium.

1539.

34. 2. F. 10

## CAROLI STE

PHANI LIBELLVS  
DE RE HOR-  
TENSIS.



OGVNT me adulescentulorum  
quorundam, bonarum, ita me Deus a-  
met, literarum studiosorum preces: ut  
hortorum non solum herbas, sed etiam  
uiolas, frutices, & huiusmodi cetera  
breui compendio describam. Sunt hæc quidem preces, sed  
tales, quibus nisi amicissimi essent, qui id à nobis quoti-  
diano conuitio expetunt, nunquam obtemperare indu-  
ceremus in animum: neque aliquando committeremus, ut  
tam inconstans & uaria herbarum atque fruticum no-  
menclatura à nobis audaci quodam uerius quàm certo  
dicendi studio describeretur. Aiunt tamen illi, se non quæ  
incerta sunt & obscura expostulare, tantum quæ uulga-  
ria & ab antiquis, tum Græcis, tum Latinis autoribus  
explicata. Atqui illud, mehercule, tam uidetur mihi diffi-  
cile, quàm quod est difficilimum: cum & omnino diuer-  
sus sit hortorum nostrorum ab antiquis cultus, & non  
omnia habeamus quæ illis erant in promptu: nobis quo-  
que pleraque in usum ueniant, quibus planè antiqui  
hortorum cultores caruisse uideantur. At uerò, inquiunt  
illi, tantum petimus, ut uulgaria florum, herbarum, ac  
fruticum nomina, quæ in hortis nostratibus passim repe-  
riuntur, Latinis uocibus nobis exprimamus, aut si desint

A 2

Latine

Latine, Græcis uerbis quo pacto dici possint aperias : ut  
 saltem siquando nobis contingat, hortulos inuisere, qui-  
 bus nemo est qui non animi causa plurimum interdum  
 oblectetur, muti non uideamur : aut ab illis rebus alieni  
 quæ ab optimo quoque ingenio, singulari quodam ani-  
 mi desiderio appetuntur, et nostræ eruditioni haud pa-  
 rum conferunt. Nihil enim est quod æquè iuuenis ani-  
 mum commendet, atque earum rerum cognitio, quibus  
 quotidie animum pascit: perinde atque optimum est cum  
 qui tritico assidue uestitur, panis nomen non ignorare.  
 Perbelle id quidem et ingenuè : neque uerò illud non ab  
 optimo ac laudabili ingenij candore prodire potest, ut id  
 desideretis : modò aliquando præstare possim, quod for-  
 tassîs immatura ætas uix pollicetur. Faciam tamen  
 quod in me erit : daboq; operam, ut si non o-  
 mnia, saltem quæ uulgaria sunt magis, et  
 à Columella, Varrone, Plinio, atq;  
 alijs tradita, facili quodam or-  
 dine accipiatis. Itaque ab  
 ipsa horti significa-  
 tione incipi-  
 endum.

H O R

# HORTVS.



**H**ORTVM ab antiquis dictum pro uilla (uulgus uocat ung uillaige) autor est Festus: ea ratione, quòd ibi orirentur qui arma capere possent. Hinc Plinius lib. 19. cap. 4. In duodecim (inquit) tabulis legum nostrarum nusquam nominatur uilla, semper in significatione ea hortus, in horti uerò significatione, hæredium. Et paulò post, Romæ quidem, inquit, per se hortus, ager pauperis erat. Itaq; à uerbo orior, deductum est. ob id autem aspiratur, ut differat à dictione ortus, quando originem siue natiuitatem significat.

Hortus, ung iardin, à Græcis κῆπος dictus, qui uel animi gratia fiebat, hoc est ad uoluptatem & delectationem (cuiusmodi Epicurus Athenis primus instituisse intra mœnia creditur, ut meminit Cicero in libris de Natura Deorum, unde etiam hortorum magister à Plinio dictus est) uel etiam utilitatis: Expedita enim res, inquit Plinius, & parata semper, neque egent igni qui hortos habent: crudis enim cibis facilè uestuntur, & coctu facilibus.

Itaque hortus altera succidia quondam putabatur, & ubi opes horti deerant, de carnario & macello uiuendum erat: erant autem carnis desideria antiquis in exprobratione.

In horto antiqui maximè caules serebant ad pulmentaria: unde hortorum caules plurimum prædicat Cato. Et matrum familiâs horti curæ erant: hinc, iudicabant in

A 3 domo,

domo, nequam esse matrem familiam, ubi intelligens esset hortus. 5

Hortus olitorius, ung iardin de mesnaige, in quo olera scruntur & crescunt, in usum nostrum. Olus autem uocamus unamquamque satiuam herbam, qua uescimur, & cuius folijs & caule utimur in edulium. Theophrastus, Olera, inquit, uocamus, quæ in usu nostro sunt, ut intubum, &c. hinc forum olitorium Romæ macellum diu uocatum est, quod in eo olera uenderentur. Vnde etiam olitor, qui hortum olerum curat & excolit, ung iardinier: qui à nonnullis etiam hortulanus, & à Græcis κηρύκειος appellatus est. 6

Hortorum curam & cultum ueteribus agricolis insigniter neglectum probè ait Columella libro 10. Parcior enim erat apud priscos frugalitas, humilimisque cibis uictum tolerabant. Mox uerò cum nostra ætas dapibus libidinis precia constituerit, cœnæque non naturalibus desiderijs, sed censibus æstimentur, plebeia paupertas summoa, à preciosioribus cibis ad uulgares compellitur. 7

Horti etiam in plurali, non solum oleribus, sed & arboribus consiti dicebantur, & uoluptatis gratia comparati: ut Pompeiani, Sallustiani, Luculliani, qui apud Romanos maximo in precio fuerunt: extantque adhuc hodie eorum hortorum uetustissima monimenta: ut facîle conijcere possimus, instar uillarum exædificatos fuisse Mæcenatianos & Neronis principis hortos. Quinetiam uiuaria & aquæ piscatoriæ hortis includi solebant uoluptatis & amœnitatis causa. Cicero libro tertio Offic. Pythius

Pythius quidam qui argentariam faceret Syracusis, uenales quidem se hortos non habere dixit, sed licere uti Cannio (si uellet) ut suis, & simul ad coenam hominem in hortos inuitauit. Quo in loco etiam hortulos pro eodem sumere uidetur: Cannius (inquit) eques Romanus dictabat se hortulos aliquos emere uelle, quò inuitare amicos, & ubi se oblectare sine interpellatoribus posset. Itaque hortos Crassipedis dixit Cicero ad Atticum, profundo, & quam possessionem rusticam uulgus uocat: Cogito, inquit, in hortis Crassipedis, quasi in diuersorio coenare. 8

Hortus pensilis qui supra columnas uel aedificia factus quodammodo pendere uidetur: cuiusmodi memini me uidisse Romæ in palatio amplissimi Cardinalis à Valle. Huiuscemodi autem hortos, ut inquit Plinius lib. 19. cap. 4. uel Semiramis, uel Assyriæ rex Cyrus primum fecerunt. Idem lib. 36. cap. 4. Leguntur & pensiles hortos, inò uerò & Latium oppidum fecisse Aegyptiæ Thebæ. Quidam simile cum pensilibus hortis uidentur habere ij quos plebs nostra urbana de fenestris suis appendere solet: ut hortorum imagine, ut inquit Plinius, quotidiana oculis rura præbeant. 9

Hortus riguus uel irriguus, ung iardin pres de leau, ou au meillieu, duquel passe ung ruisseau deau clere. Quemadmodum in uillulis sæpe inuenitur. Plinius libro 19. cap. 4. Hortos uillæ iungendos non est dubium, riguosq; maxime habendos si contingat profluuio amne. Quod explicare pulchrè uidetur Columella his uersibus, Vicini quoque sint amnes, quos incola durus

Attrahat auxilio semper sitientibus hortis.

Cato, Vineæ prima est, uel si uino multo est, hortus irriguus. 10

Hortus instructus, ung iardin en ordre, cultiue, accoutré. Cicero tertio Offic. de hortis Pythij, Quid multa? Impetrat, emit homo cupidus & locuples tanti, quanti Pythius uoluit, & emit instructos: hoc est, cultos & ornatos. 11

Horti apud antiquos plurimum commendati fuerunt Adonidis Veneris amasij, & Hesperidum, è quibus mala aurea retulisse Herculem fabulæ ferunt. Videto Erasmus in Chiliadibus. Antiquitas, inquit Plinius, nihil prius mirata est, quàm Hesperidum hortos, ac regum Adonidis & Alcinoi: de quibus multa fabulati sunt Poëta. 12

Ab horto fit hortulus, ung iardinet. Plinius libro 25. cap. 2. Erat tunc Protogenes in suburbano hortulo suo. & hortensis, qui in horto crescit: ut hortensis asparagus, hortensis lactuca. Differunt autem hortensia, quæ Græci κινυρα uocant, ab agrestibus, cura & satione. Opes enim, inquit Plinius, differentiam in cibo fecerunt, ut etiam carduis uescamur. 13

Conferere hortum, plâter ung iardin. Varro de agricul. lib. 1. cap. 23. Nam & in recentibus pomarijs, desitis seminibus, in ordinemq; arbusculis positis, primis annis antequam radices longius procedere possint, alij conferunt hortos, alij quid aliud. Sic etiam conscrere locum. Columella, lib. 11. cap. 2. Itaque in totum præcipimus, ut quisque natura locus frigidus erit, is primus conscre



conferatur.

14

Facere hortum, faire ung iardin. Apricus locus, inquit Varro, deligendus, in quo seras uiolam, & hortos facias. nam ea sole nutricantur.

15

Irrigare hortum, arrouser ung iardin. Horti, inquit Plinius, si rigui non sunt, è puteo pertica, organis uel pneumaticis uel tollenonum haustu irrigandi sunt. Nobis autem clepsydri utuntur ad hortos irrigandos, une chantepleure.

16

Fodere hortulum, labourer ung iardinet. Palladius, Si fons desit, aut imprimendus est puteus, aut si nequeas hoc, piscina superius construenda est, &c. Si hac omni facultate carueris, semper altius tribus aut quatuor pedibus ad pastini similitudinem fodies hortulum. pastinum autem intelligit instrumentum rusticum bifurcum, quo semina panguntur, uulgus uocat une binoire.

17

Instruere hortum: componere & ornare, accoustrer & mettre en ordre ung iardin. Col. lib. 11. cap. 2. His diebus commode instruuntur horti, de quibus suo loco dicam secretius. Vnde instructus hortus à Cicerone dictus 3. Offic.

18

Ceterum in horto probè faciendo hæc obseruata sunt ab antiquis, ut fuerit sterquilinio subiectus, cuius succo sponte fecundaret: cui præterea leniter inclinata planities, cursus aquæ fluentis per spatia discreta deriuaret: atque hic hortus riguus appellatus est, ut prius dixi. habebat insuper terram stercore commistam, nõ cretaceam, argillaceam, aut rubrica conspersam. hæc enim sunt seminibus inimica.

A 5

Clau

Clausuræ & munitiones  
hortorum.

**H**ortos antiqui uarijs modis claudebant, quemadmodū hodie quoq; solemus. Alij enim, inquit Palladius, luto inter formas clauso, parietes figuratos ex lateribus imitabantur. Qui mos passim in Italia adhuc est frequentissimus, præsertim in hortis, delectationis gratia compositis. Quibus copia suppetit, macerias luto & lapide excitant: ut solent ditiores, qui uoluptatem pecunijs emunt, neque sumptibus parcant: & pomaria, fruticeta, atque etiam ucluti syluulas quasdam hortis includunt. Pleriq; sine luto congesta in ordinem saxa componunt, aduersus ferarum impetus. Alij, ornatus gratia, spinarum ac ruborum plantas & semina in munitione disponunt: quod fr̃e faciunt ij qui ruri, & inclusum domi suæ hortum habent. Ac ne quid à iuuenibus desiderari possit, eorum quæ ad hortensium munitionum cognitionem spectant: primum nobis dicendum est de clausuris parietum, atq; adeo herbis quæ parietibus rusticis sese circumuoluere & adnasci solent: deinde uero ad sepimenta & sepes descendemus: & unà ruborum, spinarum, ac fruticum species explicabimus.

Herbæ uetustis hortorum parietibus  
sponte adnascentes.

**Q**uandò pernecessarium uidetur atq; utile, pueros hortos ingredientibus non solum eas herbas quæ in ipsis

ipsis crescere solent cognoscere, sed etiam earum quæ foris, hoc est uel parietibus uel sepimentis adherent nomina, si forte interrogentur, scire, atque intelligere: Non est igitur hæc pars à nobis omittenda, ut de illis pauca quædam breuiter differamus. Ac ne aliquid intactum à nobis relinquatur, incipiemus ab ipsa hedera. 21

Hedera itaque, quam uulgus uocat du lierre (id enim est instituti nostri, ut etiam uulgaria nomina percurramus) ab hærendo quidem dicta est, quòd uetustis parietibus inhaereat. Quibusdam tamen magis placet ab edendo dictam fuisse edera, quòd uetustos parietes dum serpit, & latius per muros quibus adhæret diuagatur, corrumpat & exedat, atque ita sine aspiratione & diphthongo contendunt scribi debere. Vnde etiam primam breuem habet apud Virgilium, Pastores edera crescentem ornate poetam. Neque uero desunt, qui edera dictam uelint, quòd loca edita petat, & alte diuagetur, atque etiam altissimos parietes conscendat. mihi tamen arridet magis prior opinio. 22

Hedera autem (quæ à Græcis κνάρδι dicitur) multæ sunt species, quas proximum est ut explicemus. Est igitur prima omnium, hedera celsa, quæ per se stans arborescit, quam Græci dendrocysson appellant: siue etiam orthocysson ut uult Columella, hoc est rectam & rigentem, & quæ sola sine adminiculo stat. Est & alia celsa, omnium maxime uiuax, quæ suis cyrris & clauiculis parietes conscendit, arbores amplexu suo perstringit, & succum habet arbori, quam amplectitur simulcm: unde quærnea hedera in medicinis magis probatur, quemadmodum

modum & uiscus quercinum, & polypodium quercinum. Atque huius hederæ celsæ tres sunt rursus species. Est enim nigra, quæ mas à Plinio uocatur, fertq; corymbos nigros, hoc est racemos in orbem circumactos. Verg. — Atque edere pandunt uestigia nigra. Hæc autem Bacchica & Nyssia appellabatur: quod ea in sacrificijs Bacchi, quæ Dionysia uocabantur, coronamenta fierent. Alia est hederæ alba, quam foeminam Plinius uocat. Est autem alba, uel solo semine aut fructu, aut fructu & folio. Vergil. Candidior cygnis, hederæ formosior alba. Seruius tamen non ex folijs, sed ex ligno cognosci utranque hederam contendit. Atqui hederæ etiam antiquis satiuæ fuit, cuius succus, tædia narium, graueolentiamq; emendat. Plin. lib. 24. Quarta est inter celsas quæ dicitur helix, folia multo minora habens quàm aliæ. dicta helix, quod multas habeat inuolutiones: nunquam autem fert fructum: ac ne quis putet id uitio ætatis fieri, Theophrastus ait, quantumuis diu uiuat, nunquam helicem fructum edere. Est & alia præter has hederæ species, quæ Græcis chamæcyssos, Latinis hederæ humilis siue terrestris dicitur. Serpit enim humi, & folia minuta habet ac pauca, præsertim in syluis. Caue autem ne putes eam esse herbam quæ uulgò corrupte hederæ terrestris pro herba terrestris uocatur, atque in officinis pro hederæ terrestris uenit in usum. nam neque folia hederæ habet, sunt enim incisa magis & latiora, qualia marrubij: præterea alium omnino odorem & saporem refert, est enim odoris teterissimi. Cæterum chamæcyssos hederæ omnino similis est, nisi quod imbecillis, ut conscendere arbores non possit, etiam

etiam si illis hæreat. nullos enim corymbos aut cyrros habet. Atq; hæc de hedera sint satis. 23

Helxine Græcis, herba muralis Plinio, uulgo parietaria, & muralium, de laparitoire. quod parietibus adnascatur & inhæreat: helxine autem dicta ab ἥλκω traho, quod folijs hirsutis, proxima quæque attrahere uideatur: atq; hæreat uestibus ac quibuscumq; alijs rebus. Quinetiam eius semen esse admodum asperum conspicitur. Scribonius, urceolarem uocat, quod tergendis urceis idonea sit. Quibusdam etiam perdicium uel perdicias appellatur, à perdicibus, quæ summopere hac herba delectantur, ac sese libenter uolunt in locis helxinosis. Est & altera helxines species, hederaceum folium habens, quæ quia in uinetis ut plurimum nascitur, à Græcis cyssampelos dicta est, quasi uitis hedera. 24

Viola lutea quam quidam leucoion luteum, pharmacopola uiolam Cheiri, appellant: parietibus etiam uetustate exesis adnascitur, cuius descriptionem differemus in eum locum, in quo de uiolis & floribus agemus. 25

Chelidonia, de leſclere. uel etiam chelidoniū, quod quidem maius appellatur, habetq; folia olusatry, parte altera alba, altera uiridia, & luteo lacte abundat: circa muros frequentissimum est. Hac herba dicuntur hirundines pullis suis uisum restituere: ad quod uidetur uulgaris noster sermo alludere. Est etiam chelidonium aliud, quod minus dicitur, uocaturq; uulgo scrofularia, quod scrofulas (quas Græci τὰς κηράδας uocant, des escrouelles) sanare comperta sit: estq; planta uerna, humi serpens, folio hederaceo, minore tamen, sine caule, flore luteo, radicibus

bus multis, torosis, bulbosis, & acribus.

26

Crescit etiamnum muris præruptis quod polypodium uocatur Græcis, quasi multipes. radix enim illius herbe multis cyrris seu pedibus nititur: estq; intus herbacei coloris, habetq; saporem ueluti ex dulci amarum, folia filici similia apparent, ad quarum similitudinem accedit proxime quæ uocatur dryopteris Græcis, Latinis uero filicula, uel querna filix, radice tantum à polypodio differens: nascitur enim polypodium etiam circa quercus, & id quidem omnium optimum creditur.

27

Aizoon quoq; hoc est semperuium, uetustorum parietum summitatibus crescere solet. Sunt autem eius duæ species: maius, quod folia latiora habet, spissa, & crassa, pollicari magnitudine, atq; in formam gladioli acuminata, uulgus, Iouis barbam uocat, de la ioubarbe. Est etiam minus aizoon quam uermicularem uocant, à similitudine foliorum, quæ rotunda sunt & figuræ oualis, ut uermiculos putes. Semperuium autem dictum, quod nullis frigoribus aut cœli iniuria quantumuis frigida, moriatur. Huius autem postremi aizoi duæ sunt species, alterum enim minus est, & folia minora ac ramos multos habens: quod si gustaueris, calidissimum est, & linguam uehementer urit. (Itaque falsò pro aizoo sumi uidetur, cum calidum sit & exulcerans. unde non parum mihi uidentur aberrare qui ea herba pro aizoo minore in confectione populei utuntur: eam autem Latini illecebram uocant: Hermolaus andrachnen agriam appellat) alterum maius, & folia longiora habens, interdum etiam ferè priori similia: quod si gustaueris, frigidissimum senties. Itaque nostri

noſtri id conferentes & excolentes, in acetarijs co-  
utuntur. 28

Adianton, hoc eſt nō madefcens, quōd ſemper ſiccum  
inueniatur, etiā ſi ipſam herbam aqua immerſeris: quōd  
ſi madefcat, ſtatim quidem ſiccatur. Eſt autem duplex:  
album, & nigrum: album quidem, uocatur etiam ebeno-  
triches, quōd folia habeat capillis ebeni ſimilia: atq; hinc  
fortaſſis corruptum uocabulum, inquit Hermolaus, ut uo-  
cemus capillum Veneris. habet autem folia coriandri,  
magnis interuallis inter ſe diſtincta, ſeſtucas exiles, ad-  
modum frequentes. plurima reperitur apud Montem=  
peſſulanum, circa puteos. Cuius loco ea herba, quæ uul-  
go uocatur ſaluia uita, ueteribus parietibus creſcēs, utun-  
tur quidam pharmacopolæ: eſt enim eiſdem uiribus præ-  
dita. Nigrum autem adiantum, in uetuiſtis parietibus &  
inter ſaxa frequentiſſimum eſt, uulguſ uocat polytri-  
chon & trichomanes. 29

Aſplenium ſiue aſplenium ſiue ſplenium, herba quæ  
etiam uetuiſtis parietibus creſcere ſolet, quam uulguſ uo-  
cat ceterac. Manardus autem aſſerit uocari cetrac. di-  
ctæ aſplenium, quōd pota ſplenem abſumat. Vnde Vitru-  
uius autor eſt, circa Cortinam urbem, propter abundan-  
tiam aſplenij, pecora multa ſine ſplene inuenta. Marcel-  
lus eam eſſe putat (longè tamē diuerſam) quæ uulgò ſco-  
lopendria ſiue ſcolopendrium appellatur, lienem enim  
etiam hæc abſumit: ſed eſt folio dracunculi, multo lon-  
giore tamen, ſine caule & flore. Itaque potius referret  
eam quæ hemionitis Galeno, Theophraſto hemionion  
dicitur



dicitur, quòd mulis sit gratissima, ideoq; semiasina appellatur. nisi mauis scolopendriam pharmacopolarum accipere, pro ea quam Dioscorides phyllitim appellauit. 30

Possent hoc loco mille herbarum species, quæ tum super ipsis muris uetustate exesis, tum etiam in murorum imis partibus sponte adnasci solent: ut sunt urticæ, graminæ, atq; alia id genus: item etiam cyanos, papauer erraticum, & pleræq; eiusmodi. Sed quoniam eadem frequentius in ipsis agris consitis aut etiam desertis, item etiam locis campestribus succrescere solent, commodius uidebitur, si earum tractationem differamus in eum libellum in quo de agro à nobis fiet mentio. Itaque satius nunc fuerit ad alias horti nostri clausuras digredi, quæ sepibus & spinis fiebant.

Sepes hortorum, item spinarum & ruborum, quibus hæ conferuntur, nomina. 31

Columella lib. 11. cap. 3. uidetur ex Democriti Georgicis taxare eos qui hortis munimenta extruunt: quòd neque lātere fabricata materies perennare possit pluuijs, ac tempestatibus plerunque infestata, neque lapides supra rei dignitatem poscat impensa. Itaque sepium faciendarum rationem ostendit, quæ non magna opera hortum ab incurso hominum pecudumq; muniamus. 32

Sepes itaq; uinculæ, munimentum dicitur rubis aut spinis



spinis circuntortis factum ad arcenda ab hortis pecora,  
unde hirtas sepes dixit Columella libro decimo:

Talis humus, uel parietibus, uel sepibus hirtis

Claudatur, neu sit pecori, neu peruia furi.

Huiusmodi autem sepes arte composita, structilis ap=  
pellatur eidem autori. quod si tabulis uel palis aut etiam  
lateribus composita esset, iam septum diceretur: quale  
fieri solet ad pecus includendum.

33

Sepes autem naturalis, quæ & uiua sepes dicitur Co=  
lumella, & Varroni sepimentum, fit uepribus, spinis con=  
sitis, & sulcis interiacentibus, ac sentibus in id spatium  
supercrescientibus, quod inter duos sulcos interiacet. Se=  
pimentum naturale (inquit Varro) obseri solet uirgultis  
& spinis, & habet radices uiuæ sepis. Cuius sepis facien=  
dæ docet rationem Columella lib. 11. cap. 3. Atqui hunc  
uepreu manifestum est, inquit, interimiri non posse, nisi  
radicitus effodere uelis. Cæterum etiam post ignis iniu=  
riam melius renasci nulli dubium est: & hæc quidē clau=  
dendi horti ratio maxime antiquis est probata

34

IAM VERO nobis de spinarum, sentium, ruborū,  
aut etiam fruticum speciebus dicendum est, quibus hor=  
torum sepes ac uepres communiri solent.

35

Bάδοϋ Græci: Plinius, rubum: Columella sentem appel=  
lat, des ronces. Sunt autem ruborum multæ species, quæ  
subinde declarabuntur.

36

Sentis canis Columellæ, Græcis κυνίοβατ Ⓞ, uastissima  
spina, & maximos ramos ferens: alijs rubus canis, cani=  
rubus Theodoro Gazæ dicitur: ob id quod eius flores,  
canum rabidorum morsibus medentur: folia habet rosæ,

B

floreu

florem item similem, sed minorem, sine odore: attollitur autem & arborefcit: fructum fert rubrum, oblongum, similem oliuæ nucleo: intus uero habet lanuginosa semina, qualia in fructibus rosarum reperiuntur, quæ sunt exenteranda dum ea comedere uolumus. 37

Est & cynosfodos, rosa canina, ung esglantier, folia myrti habens, sed paulo maiora: recta assurgens in mediam altitudinem inter arborem & fruticem: fert spongiosas, quibus utuntur medici, ad malefica capitis ulcera, la malle tigne: uocatur autem uulgo in officinis pharmacopolarum, bedegar. 38

Chamebatos, humilis rubus, duplex est: alius qui nunquam per se attollitur, sed demittitur semper: et qua parte terram attingit, iterum radicat: fertq; mora nigerrima & minora nostris domesticis, lanuginem quædam ceruleam super habentia: cæterum singula tantum in singulis corymbis, ex quibus moris fit optimum, diamoron apud pharmacopolas. Alius est rubus qui chamebatos etiam dicitur, non ita serpens, ut prior: neq; radicans qua parte terram attingit: mora fert crassa, nigerrima, & multa in singulo quoque corymbo. 39

Rubus Idæus, uel Batus Idæus, ung framboisier, quod in Ida monte Phrygiæ plurimus crescit: mora fert priori chamebato similia, sed rubra, atque interdum alba, odorata admodum, quæ uulgo uocat des framboises. 40

Rhamnus, ung grosseiller: prima enim rhamni definitio apud Dioscoridem, huic frutici conuenit, quem grossularium appellamus: quod eius fructus acini, sint ficuum acinis similes, quæ grossæ appellantur. 41

Oxiacanthos uel oxiacantha, id est, acuta uel acida spina, uulgo espine uinette, à spinoso frutice, & succo foliorum uinoso. officinis Berberis appellatur: cuius non meminit Plinius: tantum animaduerti in descriptione paluari, eadem propemodum referre Plinium, quæ Dioscorides in oxiacantha. Est autem arbutum piraastro simile, spinosum, baccis racemosis, rubris, nucleum singularem habentibus: radice multiplici, pallido colore, qua iuuentule capillos tingunt.

42

Ligustrum, du troesne, etiamnum in sentibus crescere solet: folijs myrti fœminæ uel oliuæ, sed paulo latioribus, ac primum florem album gerit, odoratum quidem: deinde uerò baccas & corymbos nigros, posteaquam flos decidit, ex quibus fit atramentum optimum. Hinc Vergilius in Bucol.

Alba ligustra cadunt, uaccinia nigra leguntur.

Columella libro 10. Et nigro permixta ligustro Balsama. Cypron Græci appellant, Mauri, alcannam: quod etiam nomen pharmacopole retinere: appellant enim oleum de alcanna, quod ex floribus ligustri fieri solet. Caterum aqua ex floribus ligustri destillata, medici utuntur ad eum morbum qui uulgo cancer appellatur.

43

Matiana quoque, quam uulgus uocat du massault, in rubis crescere solet: fortassis dicta, quod circa Matianam regionem quæ est in Media, uel etiam Matianum lacum, qui & ceruleanus dicitur, frequentissima est: non admodum alte fruticat, & baccas rubras gerit.

B 2

AMB

POSTEAQUAM clausuras horti absoluimus, ac uestibulum iam egressi sumus, æquum est nunc ut hortum ipsum ingrediamur: cumq; statim ingressis primo aspectu sese nobis offerant pergula & inambulationes: de ijs primum differere nos oportet. deinde uerò uitium genera, atq; adeò herbarum uarias species, quæ iucunditatis atq; amœnitatis gratia pergulis applicari solent, describemus. Itaq; ab ipsis ambulacris incipiendum. 45

Ambulacrum siue ambulatio, une allée, rastro ac che-lyndro complanatum spatium, circum ipsius horti ambitum, quod interdum etiam pauimento constratum erat, in quo colligendi uel oblectandi aut reficiendi animi gratia inambulare solemus. Cicero primo de Oratore, Postero autem die, cum illi maiores natu quiescent, in ambulationem uentum esse dicebat. Plinius Iunior, in epistol. Ambit hunc ambulatio, pressis, uarièq; tonsis uiridibus inclusa. Quo in loco succurrit, ut obiter puerorum gratia declarem quid sit apud Ciceronem de Oratore, Facere duo aut tria spatia per ambulationem aut hortum: nempe id est, quod uulgo dicitur, bis aut ter exspatiari, faire deux ou trois tours par l'allée, ou bien autour du iardin. Tum Scauolam (inquit Cicero) duobus spatijs tribusue fictis dixisse, Cur non imitatur Crasse, &c. Hoc est posteaquam Scauola duo aut tria spatia deambulando consecerat. 46

Fiebant autem duplici ratione ambulationes in ipsis hortis, ut etiam nunc fiunt: aut enim sunt tectæ, & has quidem

quidem galerias uulgo uocamus : aut subdiales , quæ tam  
men interdum pergulis aut folijs uiridibus, super admo-  
tas ac transuersas perticas applicatis operiri solebant.  
Huiuscemodi opus, Theocritus τὴν πυλάδα uocat, nos fo-  
liatam conuertere possumus, une fueillee. 47

Cæterum tectæ ambulationes antiquis fieri solebant  
eo lapide quem specularem Plinius lib. 36. uocat: qui cum  
facilimè in tenuissimis crustas finderetur, pellucidus ad-  
modum erat. Itaque specularia uocabantur, integumenta  
ex speculari lapide facta, quibus ambulationes in hortis  
tectæ erant. Iuuenalis, Saty. 4.

Quæ uehitur clauso latis specularibus antro.

Quæ autem fiunt à nobis tectæ inambulationes, specula-  
res non sunt : sed superius clausæ, hortis uero apertæ : ut  
earum iucunditate frui possimus, etiã dum pluit. 48

Ambulationes autem soli & aëri expositas, Plinius li-  
bro 17. subdiales uocat. Vitruuius libro 5. hypetras: quæ  
Latinè etiam subdialia siue subdualia dici poterunt. Et  
quia interdum pauimentis subterni solebant, ideo sub-  
dialia pauimenta uocauit Plinius lib. 36. quas nos terra-  
cias uulgò dicimus. Atque hæc satis sint, quod ad ambula-  
ta attinet. De interuallis autem suo loco dicemus, quan-  
do areas & puluinos explicabimus. Nunc ad pergulas  
ueniendum.

Pergulæ hortenses : Item herbæ ac fruti-  
ces ipsis pergulis ornatus gratia  
applicari solitæ. 49

Pergula, une treille, à pergendo, ut opinor, dicta:

B 3

quod

quòd circumquaque uitis, uel quicquid aliud feritur, pedamentorum beneficio diuagetur & pergat. sunt autem iuniperinæ uel etiam salignæ perticæ in arcum aut quadratam formam ita colligatæ & dispositæ, ut super ijs discurrentes uinearum aut cucumerum rami, suis folijs inanbulationes per æstatem sole feriente operiant: atque ita non parum iucunditatis & utilitatis adferant. 30

Pergula etiam, inquit Budæus, pro parte domus exporrecta & propendente (uulgus uocat une saillie) accipitur. Plinius libro 35. de Apelle, Perfecta opera proponebat in pergula transeuntibus. Sub his enim pergulis uenales res exponebantur. Quemadmodum hodie quoque Patuij & Bononiæ fieri uidemus sub porticibus publicis. 31

Pergularum uerò hortensium duo genera faciemus. Rectam pergulam, quæ pedamentis solo infixis, uel ad murum recta figura compositis, fieri solet: ad quam propagatur rosmarinus, leucanthemon, & alia huiusmodi, de quibus postea dicemus. Et pergulam camerariam, quæ uel salice, uel iunipero consuectitur, ad ambulationes opacandas: nomen lingua nostra à cunabulis infantium habet, ung berceau. ad quam applicantur uites, & flexiles quædam herbæ, ut bryonia, & cucurbita: de quibus item postea. 32

Primum itaque nobis est dicendum de ijs quæ ad pergulæ rectæ ornatum conscri & excoli solent, deinde uerò ad camerariam pergulam progrediemur. 33

Itaque pergulis rectis applicantur herbæ grati odoris,

ris, in longum & in altum fruticantes, præsertim in ijs hortis qui delectationis gratia facti sunt: atque hæc quidem pergula murales dicuntur. plerunque enim muris applicantur, cōcinnatis in rectum & transversum palis, secundum quos rosmarinus & leucanthemon, interdum etiam rosaria, propagari ac dilatari possunt. Quinetiam inter pergula recte ornatum, annumerabimus eas ueluti clausuras, breuiores tamen, & minus altas, quam pergula esse soleant, quæ circum ipsa arearum interualla, effectis cuicunque interuallo suis ueluti ostiolis formari solent: tum ut sint ueluti fulcra quædam spectantibus hortulos: tum etiam secundæ cuiusdam munitionis causa: ut si quando pulli uel animalia domestica hortum ingressa sint, atque adeò ipsas ambulationes: haud tam facile areas deuastare possint. Quæ tamen clausura buxis opere topiario circumpositis, & ad uarias rerum effigies efformatis, interdum fieri solent. Vnde Plinius luenior, in epistol. Ab his, inquit, gestatio in modum circi, quæ buxum multiformem, humilesq; & retentas manu arbusculas circumit. Sed iam ad herbas quæ pergulis applicantur deueniendum.

54

Pergulis rectis non solum herbe quædam odorifera frutificantes, sed etiam nonnullæ arbuscularum species fructus iucundissimos proferentes, applicari solent: quemadmodum sunt, malus cydonia, quam granatam etiam uocamus, à granorum multitudine: malus item punica, & ceteræ huiusmodi, de quibus suo loco à nobis dicetur, ubi de arboribus fiet mentio, nempe in nostro seminario, quem statim post hortum absolucimus.

B. 4

Nung

Nunc tantum de herbis quæ pergulis rectis admoueri solent, dicendum. 55

Rosmarinum, siue, ut quibusdam placet, rosmarinus, frutex non ingrati odoris, pergulis rectis applicari interdum solitus: uulgus nostrum Latinam uocem imitatus adhuc hodie appellat du rosmarin. Eum autem fruticem Plinius libanotida uocat lib. 19. cap. 12. his uerbis, Libanotis, inquit, locis putridis, & macris, ac roscidis seritur, semine. Radicem habet olusatrici, nihil à thure differentē. usus eius post annum stomacho saluberrimus. Quidam eam nomine alio rosmarinum appellant. Dicitur itaque libanotis, ἀπὸ τοῦ λιβάνου, ὃ τοῦ λιβανώτε, hoc est à thure, quod eius folia & radix, thus oleant maxime. 56

Sunt autem, ne quis fallatur, multæ libanotidis species, quarum una tantum nobis est cognitior. Est enim Libanotis serax, quæ duplex est, mas & fœmina, folia habet rosmarino nostro similia: sed umbellam gerit quemadmodum anethum, in qua umbella, est cachry: cuiusmodi in canina rosa apparere solet, atq; in ipso cachry semen complexum est. Caterum hæ duæ Libanotidis species nobis sunt incognitissimæ. Est & alia Libanotis quæ sterilis appellatur, eaq; simplex est, ramos sessiles habens, ac folia nostro rosmarino similia: sed neque florem, neque semina gerit, passimq; audio reperiri apud Montempeffulanum, item etiam in quibusdam Hispaniæ agris: quos ea herba sponte adnascenti plenos ac repletos audiuiimus. 57

Est insuper alia Libanotidis species nobis cognitissima, atq; hæc à Galeno lib. 7. Simplicium coronaria uocatur



catur, quòd ad contexendas coronas sit utilis: camq; inquit, Romani rosmarinum appellant. 58

Leucanthemon (si quidem uobis diuinare liceat) eam herbam fruticosam appellabimus, quæ hodie Romæ, atq; adeò apud nos multis in locis, pergulis rectis admoueri solet: uocat autem uulgus Iasminû, du iosemin. Ait enim Plinius lib. 36. cap. 12. ramulos ei esse nunquam pauciores duobus in diuersa tendentes, florem candidum, lilio rubro similem, semine nigro, lato, ad lenticulæ dimidiæ figuram, multo tenuiore, radice herbacci coloris. quæ omnia nostro Iasmino satis conueniunt. Eadem, ut opinor, est quæ phalangites siue phalangion à Galeno uocatur, quòd morsis à phalangijs, qui sunt serpentes uenofissimi, auxilietur. Quinetiam idem nomen etiam adscribit Plinius huic herbæ. Quod uerò addit se in quibusdam exemplaribus pro leucanthemon inuenisse scriptum leucacantha, id falsum existimato, & corruptè ac mendosè fuisse scriptû. est enim leucacantha species cardui sessilis, folia lactucacea habentis, maculis albis conspersa, similis cuidam herbæ, quâ uulgus uocat carduum beatæ Mariæ. 59

Quandoquidem multis in locis rosas pergulis rectis oruatus gratia applicari uidimus: ac ueluti rosaria quædam utrinq; hortû ipsum cõmunientia fieri: idcirco admonere nos uidetur locus iste, ut de rosis dicamus. 60

Rosa itaq; tam florẽ ipsum, qui spina uerius quàm frutice nascitur, quam ipsam spinam aut fruticem cõprehendit generali quadam significatione: Græci ῥόδον uocant; cò quòd (ait Plutarchus) ῥόδον, πολὺ τῆς δόξης ἀφίστησι: hoc

est, ingentem odoris fluxum emittat. Sunt autem rosarum  
 uariæ species, quas suo ordine Plinius lib. 21. cap. 4. de-  
 scribit. præter eas quæ sentibus ac rubis crescere solent,  
 quas Græci caninas uocant, Plinius, quantû ego conijce-  
 re possum, appellat Græculas: de quibus in rubis supra  
 diximus. Ceterum quædam sunt rosæ purpureæ odora-  
 tissimæ, quas uulgus provinciales uocat: quædam rubræ  
 admodû, minus odoratæ, quas uulgus rosas franchas ap-  
 pellat, pharmacopole incarnatas: quædã etiam paruulæ  
 & subflauæ, quas quidam damascenas nominât, præser-  
 tim in Italia: Galli autẽ moschatas, quòd odore moschum  
 referât: atq; id ab insitione potius quàm à natura factum  
 puto. Sunt & rosæ albæ multarum specierû, sed omnium  
 frigidissimæ & humidissimæ: ex quibus fit probatissimæ  
 aqua ad refrigerandum, quam rosaceam uocamus, item  
 etiam oleum quod rosaceum tum absolutè, tum cum ad-  
 iuncto appellatur. Sunt item aliæ autûnales quæ ex cau-  
 le maluaceo funduntur, folijs oleaceis, unde quibusdã at-  
 theæ siue bisinalæ species putatur: odorem nullum rese-  
 runt, diciturq; hæc rosa, inquit Barbarus, à Græcis mu-  
 sceton siue mosceuton à propagine uiuiradice, quam  
 Græci mosceuma uocant. uulgus nostrum rosas marinas  
 appellat, alij autem transmarinas dicunt, roses doultre-  
 mer. Est insuper alia rosæ species, quæ uulgò rosa Hieric-  
 ontis dicitur, roses de Hierico, ex qua amonum Diosco-  
 ridis colligitur, ut putat is, qui dialogum illum conscri-  
 psit, qui Botanologicon inscribitur: cui etiamnum Mar-  
 cellus & Barbarus assentire uidentur. Facile itaq; rosa  
 omnis pergulis applicabitur, haud secus atque ipsa ui-  
 tis

tis. Omnis enim rosa, inquit Plinius, recisione atq; ustione proficit. Translatione quoq; ut uitis, optimè ocysia meq; prouenit. atque hæc est ratio cur pergulis rectis facile applicari solet. 61

Quod autem ad ueram appellationem attinet, nescio an florem ipsum, rosam: fruticem uel spinam, rosarium: locum rosarijs consitum, rosetum rectè appellare poterimus. quemadmodum coryletum & oliuetum, &c. Sed tum Columella, tum Plinius, & alij, rosarium pro loco rosis consito frequentissimè usurpant. Rosarium serotinum, inquit ille, persossum & cultum habere iam tempus est: quapropter certi nihil statuere possumus. Caterum in ipsis pergulis, quas etiamnum rectas appellauimus, sed breuiiores quæ circum ipsa interualla componi solent: aliquæ etiam arbuscula propagantur, præsertim quæ topiario operi propriæ sunt, & tonsiles ac flexiles, perpetuoq; uirore commendabiles: quales sunt, buxus, cupressus, iuniperus: de quibus mox dicendum. 62

Buxus siue buxum, utrunq; enim dici potest, du buyx. Pyrenæis & Cytoro montibus plurima, ac Berecynthio tractu. Huius autem tria genera facit Plinius libro 16. cap. 16. Gallicum, quod procerum est: oleastrinum, in omni usu damnatum, ob grauem odorem: & nostrate, siue syluestre, omnium minimum, sed diffusius, & densitate parietum uirens semper ac tonsile: de quo hoc loco agimus. Itaque parietes illos interuallares buxis tonsilibus opere topiario compactos circum hortum, rectè buxeta appellabimus: sunt enim interualla buxis consita. 63

Iunip

Iuniperus, du geniesure, quam Græci arceuthyda uocant, solet itidem ijs pergulis applicari: uiret enim coma perpetua, unde & topiario operi idonea: præterea cariosam senectam non sentit, ut ex trabibus templi Dianæ uisum est, inquit Plinius: eius lignum & rami odoratissimi: baccas item fert nigras admodum odoras, quibus in suffitibus cubiculorum utimur. Est autem Dioscoridi iuniperus duplex, maior & minor, quæ sola arboris & seminis magnitudine inter se differunt. 64

Cedrus item, ung cedre, arbuscula non usqueadeo frequens apud nos, sed pergulis tamen idonea. Est enim, inquit Theophrastus, iunipero non absimilis, folio spinosiore, & duriore, fructu etiam simili, humilior tamen, & materia incorruptior. Est & Cedrus arbor, cuius fructus cedrides Græcis appellatur. Atqui Plinius scribit cedrum appellari in Syria humorem è ligno tedæ concisæ defluentem, quo cadauera in Aegypto persusa diu seruantur. eo etiam tedæ ac funalia illinebantur, ut dum arderent, gratissimum odorem referrent. Vergil.  
Vrit odoratam nocturna in lumina cedrum.

Plura uideto apud autores antiquos.

65

Sabina item herba frutex uel, quam nostri, du saunier, uocant, folio ferè cupressi, perpetuò uirenti, in topiarijs pergularum operibus non improbatur. Græcis brathy dicitur. Estq; duorum generum. Altera tamaricæ similis folio est, altera cupresso. Quæ ex re quidam, ceticam cupressum dixerunt. Plinius lib. 24. cap. 11. 66

Atque hæ sunt herbe ac frutices aut arbusculæ quæ pergulis rectis applicari solent. nunc ad pergulas cæmentarias

rarias deueniendum, ac uitium genera & cucurbitarum species explicandæ: item etiam aliarum herbarum quæ camerarijs pergulis circumplicari solent nomina, ac descriptiones breuiter faciendæ. 67

Vitis itaque pergulana, uigne de treille, Columellæ dicitur lib. 3. cap. 2. quæ in hortis scribitur magis ad uoluptatem, quàm ad prouentum, & in pergulas siue rectas siue camerarias attollitur, ut eas uestiat: adiuta tamen pedamentis salignis infornicatis, & topiario interdum opere fabrefictis, umbrosa opercula subdialibus ambulationibus præbet. Eam uitem appellare uidetur escariam Plinius lib. 14. cap. 3. In pergulis (inquit) seruntur escariæ appellatæ, eduræ acinis, albæ, nigræq;. Eadem etiam uitis adminicularia dici potest, quòd palis iuniperinis ceu adminiculis fulciatur, quibus suis clauiculis ueluti manibus quibusdam repens, & circumplexa, umbram deambulationibus præbet. Sed alia uitium genera, earumq; conferendarum rationem, ac uinorum & huiusmodi rerum differentias, in alium libellum differemus, in quo uineta tractabimus. Veniamus iam ad alias tum uites (improprie tamen dictas) tum herbas quæ ipsis pergulis etiam admouentur, 68

Vitis agrestis, si quidem sumatur pro ea uite quam Vergilius atq; adeò alij autores Latini, labruscam uocant: nullam aliam cum satiuæ uite differentiam habet, præterquam quòd ipsa non colitur, sed seminalis est: ut Plinius & Columella pro omni uite passim crescente labruscam accipiant, une uigne en friche, delaissee, champestre. Eius autem racemi ad maturitatem nunquam aut raro

raro perueniunt: flos à Plinio *cenanthe* uocatur. Est autem alia uitis agrestis, quam Græci *ampelon* agrian uocant, quæ fert racemum & corymbos *hederæ*. Eam autem uulgus uocat *solanum lignosum*, quòd fructum & folia hortensi solano similia habeat. habet præterea longa sarmenta instar uitis uinum ferentis, lignosa tamen, aspera, & corticem rimosum habentia. 69

*Vitis alba*, Græcis *ampelos* *leuce* dicta, quòd folia & corymbos ac capreolos uitis habeat: eademq; folia alba gerat, præsertim dum grandiora sunt: uulgus *Parisiensium* uocat *de la couleuree*, quòd in modum colubri undique serpat. *Picardi* autem, *du feu ardent*, quòd quascūq; partes corporis attigerit eius racemus, ipsas quodammodo adurere uideatur. nonnullis eadem *bryonia* dicitur: *Columellæ bryonias*: quibusdam *psylotrum*, hoc est quasi depilatorium, quia pelles infici eius acinis quemadmodum & *labruce* possunt. 70

*Vitis nigra*, quam alij *bryoniam nigram* uocant, quòd eius corymbi primum uirides, deinde uerò nigri appareant, uitis autem albæ rubri sunt. Caterum uitis nigra folio ab alba differt, habet enim folia & caules *hederæ* similes: item etiam radicem: quæ quidem foris nigra est, intus uerò colore buxæ, aut luteo: alba uerò uitis radice est crassissima & albißima intus & foris: qua nonnulli (ut est radix fissilis & tanquam cera in omnem effigiem ductilis) formas humanas effingunt, ut radix uideatur ea forma creuisse: atque ita uulgo imponunt, ut dicant radicem esse *mandragoræ*, neque posse extrahi, nisi summis ceremonijs. Atque hæc quidem omnes

omnes uitium species pergulis camerarijs applicari solent.

71

Aequum est etiam huic loco nos proferre eam herbam hactenus à ueteribus ignotam, quam Barbarus Characiam appellari contendit. uulgus Italarum Characiam, Ligures padani Balsamunam, Hetrusci, hierosolymitanum pomum uocant. nos etiam uulgo pomum miraculosum dicimus, pommes de merueilles. fert enim poma admodum egregia, & uisum oblectantia, quæ dum matura sunt, sese miraculo quodam naturæ aperiunt, ostenduntq; semina quæ intus continent, ueluti preciosissimis quibusdam smaragdis similia. Cæterum planta ipsa tantæ est flexibilitatis, ut septi modo in hortorum pergulis ac fenestris per cancellos opere topiario facile digeri possit. est enim folijs uitium similibus, paulò minoribus tamen, pampinis etiam uitem pergulariam referentibus. Huiuscemodi herbam uidisse me memini in horto Renati Belaij longè omnium, qui hodie tum apud Germanos, tum etiam apud Italos uisuntur nobilissimo, ut nihil addi possit ad absolutam horti bene exculti, & innumeris uariarum plantarum diuitijs refertissimi curam ac diligentiam.

72

Lupulus, du houblon, folia habet bryoniæ similia, sed paulò asperiuscula, flores foliaceos & candidos, qui ferè allium uinumq; subolent: Græci uulgo brytona uocant, Plinius lupum salictarium. subit enim & scandit salices atq; arbusta omnia. In Flaminia quoq; inquit Barbarus, lupus reptiuus uulgari nomine appellatur. Quidam falso pro uite nigra acceperunt, alij etiam ineptis



ineptissimè pro corruda. Aut hæc omnino, aut non absimilis huic herba est, inquit Hermolaus, qua occidentis populi cereuisiam suam maceratis humore floribus commendant, sapore quodam uini. 73

Cucurbitarum etiamnum frè omnia genera pergulis camerarijs applicari solent. Itaque obiter de ijs à nobis dicendum. 74

Cucurbita, une courge, aut est satiua (quam Græci *σατιυή* minino genere in secunda declinatione *σατιυή* dixērunt, estq; dulcis, ut edi possit) aut est sylvestris & amara, medicinis tantum apta, quam Græci diminuta appellatione *σατιυή* appellauere. uulgus uocat des coquintes. 75

Rursus satiue cucurbitæ genera duo. aut enim facili & admodum flexibili ramorum curuitate, tecta, pergulas, & testudines operit: atq; ideo cameraria à Plinio dicitur, lib. 19. cap. 5. Camerarijs (inquit) uires sine adminiculo standi nō sunt, uelocitas pernix, leni umbra cameræ & pergulas operiētes, aut suis flagellis humi reptat, & plebeia eodem autore appellatur. 76

Atqui camerariæ aut plebeiæ cucurbitæ multiformes reperiuntur: crescunt enim qua coguntur forma: alia, in uentrem plurimum turgescit, quæ quidem cruda, saporis est satui admodum, quem nostri uulgo appellant fadæ: cocta autem, edi facile potest. Alia item in longitudinem maximam producit, ut quædam aliquando uisa sit nouem pedum longitudinis, ut refert Hermolaus: atq; hæc ob id anguina à quibusdam appellata est. alia est coactæ admodum breuitatis, digitali crassitudine, non nisi in saxosis



saxosis nascens, à Græcis somphos cognominata, quia inanis sit: à nobis autem barbara aut marina appellatur, iusculis et pulmentis idonea. Alia denique est cucurbita, quæ in lagoenarum formam artifice naturæ crescit, nonnunquam etiam ita formatur ac fingitur. Ligatur enim ab hortulano, quodam uinculo, ea parte quæ frictiorem uult facere. Qui mos etiam antiquis esse solebat, ut cucurbitas in uasa fingerent: postea maturis et inanitis ac siccis uterentur. Nuper enim, inquit Plinius, cucurbitarum usus uenere urceorum uice: iam pridem etiam cado- rum ad uina condenda. Columella, De media, inquit, parte cucurbitæ semen inuerso cacumine ponito, ut fiat incrementi uastioris: nam sunt ad usum uasorum satis idoneæ.

77

Halicacabum, siue halicacabus, Græcis, Latinis uesticaria dicitur, à uesticulis siue folliculis, quos producit, in quibus semen includitur: uulgus nostrum uocat, des ba- guenauldes. Est præterea alia halicacabi species nuper- rimè inuenta, cuius neminem antiquorum scriptorū men- tionem fecisse comperio, atque hæc quidem planta per- gulis operiendis est aptissima, latissime enim suis clau- culis sese diffundit, ob id operi topiario utilissima: fert autem uesticulas halicacabo similes, in quibus semen inclu- sum est, pisif, aut ciceribus simile: in cuius medio effigies ueluti cordis humani insculpta et incisa apparet, atque ob id à nostris uulgò appellatum est id semen, poix de merucilles. Visa est à nobis primum hæc planta in hortò amplissimi Cardinalis Parisiensis, quem quotidie eius frater Renatus Belaius incredibili ingenij atque erudi-  
C tionis

tionis candore præditus, non solum excolendum diligentissime, sed etiam innumeris uariarum rerum miraculis exornandum, æque augendum studet: ut neque sumptibus, neq; labori parcat, quò uiris doctis in earum rerum cognitione, haud parum possit prodesse. 78

Hæc sunt quæ de pergulis earumq; tegumentis habuimus dicenda. Acquum est igitur nunc, ut ad interualla, puluinos, & areas transeamus: deinde uerò herbas hortenses complectemur.

Areae, puluini, interualla.

79

**P**rima sese nobis offert, post pergularum & ambulationum explicationem, ipsarum areolarum cognitio, super quibus semina eleganter ab hortulano disponuntur. 80

Dicta igitur area (quantum ego conijcere possum) ab arando, quòd primum aretur & proscindatur: deinde uerò subigatur & complanetur ipsa terra in quadratam planitiem ad multos usus, siue ad exspicanda frumenta in uillis, siue ad alicuius loci, uel etiam urbis ornatum (quæ platea uulgò dicitur) siue etiam ad hortorum elegantiam. 81

Quæ autem in uilla, aut etiam agro ipso cõformabatur area, ad frumenta exspicanda, ut deinde in horrea recondi possent: uulgus nostrum adhuc uocat une aire, ea cylindro complanari solebat, ut durior esset, & flabelli duros ictus pertinacius ferret: neque granum ipsum distiliens, aut in fissuras admittere, aut in interiorem molliam recondere posset. Vergilius in Georgic,

Area

Area tum primum ingenti est æquanda cylindro. Cato, Aream ubi frumentum teratur, sic facito: Confodiatur nutritè terra, amurca bene conspergatur, & cōbibat plurimum, comminuito terram, & cylindro aut paniculo coæquato. Est autè cylindrus, lapidea columna, rotunda & uolubilis, ita composita ut per locum quem cōplanare uolumus circumacta, facili negotio inæquales terræ glebas subigat: dictum ἐπὶ τῷ κυλίῳ, id est, à uoluendo. Paniculus autem dici potest quicquid ligneum uel alterius materiæ sub oblonga & rotunda forma cōtinetur, uel ad aliquem locum complanandum, uel cuiusuis alterius rei gratia. Cæterum ab huiusmodi area frumentaria, areator dicitur, qui in ipsa area frumentum terit & expicat. Columella, Atq; hoc supremum areatorum emolumentum percipiendorum seminum, quæ terræ crediderat. uulgus nostrum uocat ung batteur en granche.

82

Est & area, publicus in ciuitate locus, in quem propter amplitudinem & planitiem, negotiorum causa populus commeare solet: in quo etiam merces & uictus publici diuenduntur: uulgus nostrum plateam uocat, une place: cuiusmodi conspicitur Venetijs iuxta ædem Diuo Marco sacram, & Lutetiæ multis in locis. Suetonius Tranquillus, Forum de manubijs inchoauit, cuius area super sestertium millies constitit. Itaque eleganter aream Malberti, aream Grauiæ, aream cœmiterij Diui Ioannis pro plateis dicemus, ut id etiam obiter adnotatum sit puerorum causa.

83

Area uerò, siue areola potius, in hortis fit ad distinguenda semina à se inuicem, ut uiolas ab oleribus: item

C 2 herbas

herbas odoratas, ab ijs quæ minus odoratæ sunt, & iu-  
sculis condiendis aut acetarijs faciendis, magis idoneæ:  
Fitq; terra prius optime subacta. Columella, Cum ter-  
ram bene subegeris, areolas facito. Hinc differere semina  
in areolas, aptè & eleganter dixit idem autor lib. 11. cap.  
2. Tum etiam baccas lauri, & myrti cæterarumq; uiri-  
dium semina, in areolas differere præceperunt. Varro de  
ling. Lat. Nam ut olitor differit in areas sui cuiusque ge-  
neris res, sic in oratione qui facit, disertus est. Palladius,  
spatia hortorum areas appellare uidetur: Hoc mense  
(nempe Septembri) inquit, spatia hortorum quæ per uer-  
num seminibus impleturus es, altè tribus pedibus pasti-  
nare debebis. Nostri, aream uulgo uocant une planche,  
à planitie. Plana enim area eleganter dicitur à Palladio  
cum de intubis loquitur, pro diligenter æquata & com-  
planata: aut etiam ampla, propter numerosas radices. Di-  
citur & area quibusdam à quadrata forma, ung carreau:  
sed hæc nimis uulgaria sunt.

§ 4

Puluini (mea quidem sententia) uidentur hoc ab areis  
differre, quòd molliores sint, & ueluti fimo super ipsis  
areis coacto tanquam tori instruuntur, ad superponenda  
semina quæ uberius terræ alimentum desiderant, quæq;  
propter sui frigiditatem mollioribus & calidioribus fo-  
mentis opus habent, quales sunt pepones & cucumeres:  
quibus etiam assidua irrigatione est opus. Fiebant enim  
puluini ad eorum similitudinem, in quibus sedemus, quo  
mollior esset sessio etiam ipsis herbis, & minus infestaren-  
tur hyemis aquis, quemadmodum inquit Columella lib.  
12. Quòd autem in areis uel super areis puluini interdum

comp

componerentur, docet idem autor libro tertio: Omnium (inquit) generum ramos circa Calend. Martias in hortis per puluinos arearum disponere conuenit. nomen autem adhuc uulgo retinet, appellamus enim puluinum, une couche, quasi torum dicere uellemus cum Plinio libro 19. cap. 4. Fimum, inquit, tres pedes altè cum terra misceri, areis distingui, easq; resupinis puluinorum toris ambire, singulis tramitum sulcis, quà detur accessus homini, scatebrisq; decursus. Est igitur puluinus areola terram elatam inter duos sulcos complectens, in qua semina obruuntur, quæ in agris porca à porrigendo appellatur. Varro libro primo de re rustica, cap. 35. Violaria in fundo facere non est utile, ideo quòd necesse est è terra ad ea obruenda puluinos fieri, quos irrigationes, & pluuiæ, & tempestates abluunt, & faciunt agrum minorem. Atque hæc de puluinis.

85

Interualla autem appellabimus, eos ueluti sulcos & tramites, ut inquit Plinius, qui inter quaslibet areas fiunt, ut circunquaq; discurrere possit olitor, uel qui ipsius hori curam & delicias diligenter contemplari uolet: præterea etiam ad aquarum decursus: areæ enim ipsæ in interuallis sese expurgant. Cato, Cum deformabis areas, interuallum facito inter eas.

## SECTIO AREARVM. 86

**V**ENIAMUS nunc ad ipsarum arearum descriptionem: hoc est enarrationem eorum florum, herbarum, & plantarum, quæ in his conseri & seminari solent. Quæ res ut à nobis breuiori & faciliiori compendio exequa-

C 3

tur,

tur, necesse est nos primum ipsarum ueluti quandam diuisionem facere: nempe ut cuique areæ suas herbas proprias adscribamus, quas etiam suo ordine enarrabimus: deinde uerò ad minus generalia progrediemur. 87

Faciemus igitur in horto nostro quatuor areas, in quibus omnes herbas & flores hortenses complectemur. 88

Primam autem aream, coronalem appellabimus, nempe in qua describemus herbas, & flores maximè coronarios: hoc est quibus puellulæ suas corollas & ferts, aut fasciculos contexere solent. 89

Secundam, uocabimus odoratam, in qua omnes alias herbas suauis & grati odoris recensebimus, quæ in hortis reperiri solent: præter eas quibus coronæ fiunt. Quo in loco etiam annumerabimus eas, quæ non solum folia, sed & radicem odoratam habent. 90

Tertiam aream, dicemus olitoriam, in qua duos puluinos faciemus: unum, qui acetarius dicitur, complectetur enim eas herbas, quibus acetaria condiri solent: alterum, qui condimentarius uocabitur: in eo enim conferentur herbæ, quibus in condiendis iusculis utimur, uel ad saporem conciliandum, uel etiam ad purgandam, aut astringendam aluum. 91

Quartam uerò appellare licebit escariam, nempe in qua eas herbas conferemus, quæ edules sunt, & quibus per certa anni tempora aut crudis aut coctis uestimur. Hæc uerò duos etiam puluinos habebit. Alterum earum herbarum, quarum fructibus alimur, aut pro cibis uti possumus. Alterum autem earum, quæ radices esui optimas nobis præbent, & quas pro delitijs habemus. Sed iam  
ad pri

ad primam aream transeundum.

## AREA CORONALIS. 92

**P**Rima igitur area, ut iam diximus, coronalis appellatur, quæ flores & herbas coronarias complectitur. In hortis enim scri etiam coronamenta iussit Cato, mirabili maximè florum uarietate, inquit Plinius. Quæ omnia priusquam explicemus, commodum erit, aliquid de ipsis coronamētis & sertis, ac fasciculis dicere, quaq; ratione ab antiquis fiebant. 93

Coronamenta triplici ratione apud antiquos fieri solere, Theophrastus autor est: quemadmodum apud nos quoque uidemus in ijs corollis puellaribus, quas illæ uocant, des chappeaulx. Aut enim floribus odoratis fiebāt, & uiolis ijs quæ leucoiorum nomine comprehenduntur, des girofflees. Aut floribus quæ sine odore essent: ut Io=uis flore, quæ Græcis δὴς ἄνθος dicitur, des coquelour=des: item etiā cyano, quæ à ceruleo colore nomen habet, uulgo blaptisecula, des aulbisfoins, & permultis alijs floribus eiusmodi. Aut etiam fiebant coronæ folijs odoratis, ut abrotano, maiorana, rosmarino, & similibus. Plinius autem tantum duo coronarum genera ponit: alias enim dicit floribus, alias folijs fieri solere. 94

Coronæ hybernæ, chappeaulx dhyuer, fieri etiam solebant antiquitus, quemadmodum & hodie apud nos sunt, ramento è cornibus tincto, cum terra flores negat. Plinius. 95

Corolla, ung chappelet, propter gracilitatem nominata, fiebantq; etiam antiquitus corollæ laminis æreis in=



aurata & inargentata. Quinetiam Crassus diues, primus argento auroq; folia imutatus, ludis suis corollas dedit: quas qui innecterent, corollarij & coronarij dicebantur, des chappeliere. 96

Nectere coronam, faire ung chapeau. Plinius lib. 21. cap. 3. Nec nos nunc scilicet coronas nectemus. 97

Coronariæ cuiusdam meminit Plinius supra scripto loco, quam Glyceam appellat: quæ in primis ob singularem texendarum coronarum artem stephanoplocos appellata est, quo nomine Græci coronariam intelligunt, une chappeliere. 98

Strophia & strophiola, pro tenuibus coronis aut sertis idem autor posuit, ἀπὸ τῆς στροφῆς, quod est uerto: ijsq; coronis maxime utebantur sacerdotes. Cic. de ar. respon. A' strophio, à psaltrio, à flagitio, à stupro est factus repente popularis. 99

Serta, inquit Plinius, cum è floribus fierent, à serendo serniæ appellatæ sunt: nempe à sertis, & digestis inuicem floribus frondibusq;, ex quibus ab initio fieri coronæ primum cœperant. Applicabantur autem huiusmodi sorta, hoc est coronæ frondæ templis & sepulchris, aut etiam bacchantium capitibus. Vergilius,

—Sertisq; recentibus halant. Idem de Sileno,

Serta procul tantum capiti delapsa iacebant,

Et grauis attrita pendebat cantharus ansa. 100

Fasciculus florum, ung bouquet de fleurs. Cice. lib. 3. Tusculanarum questionum, Fasciculum ad nares admo-uebis, incendes odores, & sertis redimiri iubebis, & rosa. Quo in loco quidam fasciculum interpretantur pro suda



sudariolo (ita enim appellauit Liuius linteolū quo faciem abstergimus, & nares expurgamus, ung mouchouer) Sed id mihi nō satis uidetur rationi consonum: fasciculus enim per se, res inuicem & in unum colligatas significat: unde fasciculum literarum dixit Cicero, pro multis literis simul colligatis, ung paquet de lettres. Quæ res me mouet ut etiam recte appellare possimus fasciculum florum, pro floribus inuicem colligatis, quos odoris gratia nōnunquam circumferre solemus: quod etiam à nonnullis olfactoriolum eleganter appellatum est. 101

S E D iam ad ipsorum florum descriptionem uenient: ac primum de odoratis, deinde uero de ijs qui odore carent, tametsi in coronis ueniunt, dicendum. 102

Leucoia, leucoiorum, des giroflees: proprie quidem, hoc est, ex ipsius uocabuli significatiōe, de uiolis albis dici deberet: id enim Græca dictio sonare uidetur λευκοιορ: Sed tamen ad alios flores eiusdem generis etiam refertur: quanquam aut rubri, aut lutei interdum sint: sed luteæ uiolæ, inquit Dioscorides, præcipuus est in medicina usus. Has autem omnes uiolas uulgus nostrum uocat, des uioliers: de quibus tempus est, ut seorsim dicamus. 103

Leucoion candidum, des uioliers blancz, ou des giroflees blanches, ea est uiola quam uulgo quidam gariofilatam albam uocant. Quod nomen, quanquam ineptum uideatur, ut bis idem repetitū quispiam iudicet: eo tamen loquendi genere usus est Columella lib. 10. Candida, inquit, leucoia, & flauentia lumina calthæ. 104

Leucoion luteum, des uioliers iaulnes, uulgus pharma

copolarū, ut prius diximus, uocat uiolam Cheiri, frequentissima est hæc uiola super antiquis muris, ac testis. 105

Ios Græcis, Latinis uiola, de la uiolette, est proprie quam uiolam nigram, aut purpuream, aut martiam uulgo uocamus: nigra quidem appellata, quod purpureo colore adeò tincta sit, ut nigrescere uideatur. Quidam uiolam quadragesimalem uocant, alij matrem uiolarū: sunt autem eius generis aliæ quidem duplices quæ satione fiunt, et odoratæ sunt: aliæ simplices, quæ agrestes sunt, et nihil aut parum olent: aliæ ab ipsa natura albæ proueniunt, tam syluestres quàm satiuæ. 106

Viola autumnalis Ruellio, menue pēsee, inter leucoia nigra poni potest: nullam enim eius floris peculiarem, ac propriam descriptionem inuenio. Quidam eum florem, nescio quo iure, uiolam trinitatis appellant, quod tribus coloribus distincta sit. 107

Sed quando de uiola nobis est sermo, subit hoc loco, ut dicam quod mihi inter legendum occurrit, Varronem de re rust. uiolam pro omni uiolarum genere accepisse: Et apricis (inquit) ut ibi uiolam seras, et hortos facias. Atque hinc uiolaria ab eodem appellata lib. primo, de re rustica, capite tricesimoquinto, pro loco uel parte aut area horti, uiolis et floribus consita. Violaria, inquit, in fundo facere non est utile, ideo quod necesse est e terra ad ea obruenda puluinos fieri, quos irrigationes, et pluuiæ, et tempestates abluunt, et faciunt minorem agrum. Eadem etiam floralia à florum multitudine eadem autori appellantur: Nec minus, inquit, ea discriminanda in conferendo, quæ sunt fructuosa ab ijs quæ sunt

sunt propter uoluptatem, ut quæ pomaria & floralia ap-  
pellantur.

108

Viola altilis Barbaro ea est, quam uulgus nostrum  
uocat, des armoiries. Dioscorides & Plinius uettoni-  
cam appellare uidentur. Quidam etiam Britannicam uo-  
cauere, quòd in Britannia sit frequens. Inter huius ge-  
neris flores annumerandi sunt, quos Itali cariofillos uo-  
cant ab odore, nostri des oeilletz, tantum hoc interest,  
quòd satione & cura olitorum, tum odorem ac coloris  
uarietatem, tum etiam foliorum magnitudinē ac formam  
acquisiuerunt. Caueto autem ne cum uulgo, huiuscemo-  
di florem hyacinthum appelles. Est enim hyacinthus  
Græcis, quod Latini uaccinium appellant: cuiusmodi me-  
mini me uidisse in nostris pratis Gallicis: crescit enim  
unà cum satyrio: sed odoratissimum florem gerit, prope-  
modum odore similem uiolæ altili, sed uehementiorem:  
& colore ac foliorum ordine differt à satyrio, estq; radi-  
ce bulbosa.

109

Narcissus etiamnum apud Italos in hortis est frequen-  
tissimus, nomenq; integrum apud eos retinet: dictus au-  
tem flos, ἀπὸ τῆς νάρκης, hoc est à sopore & torpore, quòd  
eius odor si diutius naso admoueatur, tandem mentis tor-  
porem inducat. Omittam hoc loco fabulam egregij illius  
pueri quem in herbam sui nominis conuersum à dijs  
fuisse poëtæ fingunt: cuius rei qui plura desiderat, ha-  
beat in promptu Ouidij Metamorphosim. Ceterum quan-  
do hæc herba, apud nos satis est infrequens, ut apud Ita-  
los autumnalis uiola, eius descriptionem subnectemus:  
Est autem dodrantali altitudine, folio porraceo, caule  
herbaceo

herbaceo, flore albo ut plurimum, qui in coronamenta uenit, calicemq; ueluti purpureum habet, radicem bulbosam. Cetera requirito ex Barbari corollarijs in Dioscoridem. Plinius duo Narcissi genera facit. Theophrastus florem huic esse nigrum scribit: atque id de semine ipso, quod nigrum & praelongum esse constat, intelligendum esse Barbarus putat.

III

Calendulam, nostri uocant, du soulfilz, quasi solarem, cum Cornelio Celso, aut solisequium, aut heliotropion dicere uelint. Quæ tamen an re uera ita appellari debeat, planè ignoro: nam ut hæc quidem herba cum sole sese circumagere uidetur, ita permultos habet eius proprietatis flores sibi similes. Præterea quod à Dioscoride scribitur heliotropion, id etiam scorpiuron, hoc est scorpionis caudam, seu scorpioctonon, quod serpentes enecet: item etiam uerrucariam, quod trita herba uerrucas sanet, appellari certum est. Quæ omnia nostræ calendulæ haudquaquam conueniunt. Ceterum flos subflauus & luteus, quem hic describimus, proprie quidem calendula appellatur, quod nomen adhuc hodie Itali uulgo retinuerunt: appellant enim illi, florem omnium mensium, fior d'ogni mese, quod quolibet mense & quibuslibet Calendis sponte renascatur, tam hyeme quam æstate. Quibusdam tamen leontopodion appellatur.

III

Baccharis, herba fruticosa qua fascinum depellitur: addiq; solebat in coronis apud ueteres. Vnde Vergilius, — & bacchare frontem.

Cingite, ne noceat uati mala lingua futuro.

Folia habet uiolæ similia, uerbasci magnitudine: hoc est phlomis.

phlomi: quæ herba uulgo appellatur, du bouillon blanc: florem autem gerit ex albo purpurascentem. Ac ne quis putet nos bacchare carere, sanè frequentissimam reperimus in margine fluminis Matronæ, in agris D. Mauro iuxta Parisios uicinis, sed nomen uulgare nobis ignotum est. Caueto autem diligenter, ne pro baccharis dicas bacchar: est enim bacchar ea herba quam uulgus nostrum metathesi literarum, ac diminutionis syllaba addita uocat du cabaret, Græci asarum appellant: estq; folio hederæ, sed rotundiore. Eius folio, carpo admoto utuntur nostræ mulierculæ ad febris ardorem depellendum.

112

Exigit hic locus, ut etiam de lilijs pauca differamus. quando & quoddam liliorum genus in coronis uenire solet, & omnia liliorum genera sunt odorata.

113

Lilium itaque quod Theophrastus λείων etiam uocat, Græci Crinon appellant, du liz: ex Iunonis lacte natum quidam perhibent, respersa terra, dum Hercule dormienti uberibus admoto, mox post suctum digresso, lacte fluxit: Ideoq; à quibusdam Iunonis rosa dicitur. Fiunt etiam lilia purpurea arte hortensi, maceratis in fecce uini scapis, antequam serantur mense Martio: & in scrobe circumfusis eadem fecce. Sunt & lilia rubra, à purpureis, ut opinor, differentia: nam sponte in montibus Patauio uicinis huiuscemodi florem crescentem uidimus. Cui etiam similes uisuntur hodie in horto Gasparis à Gabrielis, uiri inter nobiles Patauinos longe nobilissimi, & omnibus animi, atque ingenij dotibus admodum insignis. Cui præter omnium bonarum ac liberalium artium perfectam

cognit

cognitionem, hoc etiam laudis & gloriæ accessit : quod omnes facultates suas ( quibus inter ceteros contentissimus uiuit, nihil ut amplius expetat, præter id quod habet ) in hortuli sui diligentissima cura insumat : neq; uerò aut pecunijs aut diligentie parcat, ut omnibus etiam rarissimis floribus ac fructibus, ex remotissimis orbis partibus aduectis, abundet : hanc sibi laboris sui extremam gloriam proponens, ut doctos omnes iuuet, & frequentem cum ijs de plantarum cognitione sermonem habeat : se denique felicissimum ratus, si quando aliquid, quod nobis ignotum fuerat, ante oculos proponat. Sed ad rem.

114

Est & aliud liliorum genus, quod lilium agreste aut syluestre uocatur, aut etiam lilium marinum, Græci Crinon agrion, & hemerocallen uocant : cuius flos in coronis præcipuus habetur, seruebaturq; in hortis apud antiquos eius rei gratia. Folium, inquit Dioscorides, & caulem habet lilij, porraceo colore, flores in caule per singulos exortus terni aut quaterni erumpunt, lilij diuisura : postquam dehiscere cœperunt, colore perquam pallido, radice bulbosa. Liliaginem prætereà appellant nonnulli uel liliastrum, id lilium agreste, quod nullum in medio crocum habet.

115

Quod autem nonnullis lilium conuallis, seu lilium conuallium dicitur, de quo in sacris literis multa : crescit enim potissimum in uallibus, & recessibus collium : id esse putat Otho Bronfeldius, quod nos uulgo uocamus du muguet, antiquis, quantum opinor, herbarum scriptoribus incognitum : tantum enim duo folia habet, aut ad summum tria,

tria, polygonato serè similia, quod quidam uocant sigillum Salomonis. Aliquibus tamen magis placet eam esse herbam, quæ Galeno et Dioscoridi Bubonium uocatur, à bubone, hoc est glândula inflammata, cui adalligata herba plurimum prodest: sed cærulei floris est Bubonium. præterea circa florè folia habet stellatim decussata. Itaque minus conuenit descriptioni.

116

Iris siue flammula, des flambes, à cœlestis arcus figura, quæ in florum coloribus cernitur, tum etiam à foliorum similitudine, quæ flammæ linguas referunt, dicta. Quinetiam nonnulli gladiolū etiam appellauere eadem ratione: unde in quibusdam Gallie partibus nomen adhuc retinet: uocant enim du glaiz. Radicem habet odoratissimam, quam uerno tempore in solis umbra siccatam, ac minutim conscissam, nostri in capsis suis recondere solent, ut uestimentis gratiam odoris concilient. Ceterum quædam iris florem album gerit, quem cæruleo longe odoratiorem esse certum est. Reliqua ex Barbaro desumto. Nunc autem ad alios flores coronales ueniendum, qui nullius odoris sunt: sed tantum coloris uarietate et gratia, oculos oblectant.

117

Amaranthus siue amaranthū, du passe uelours, quasi flos immarcescibilis dicitur: diutissime enim colorem retinet. Est autem flos ille spicatus, quibusdam magis, quibusdam minus, admodum purpureus, aspectu pulcherrimus, nullius odoris aut saporis. Qui uino albo aut aquæ per horam immersus, rubrum colorem adfert.

Iouis flos, qui Græcis dios anthos dicitur, hoc est Iouis flamma, uulgus uocat, des coquelourdes: colore tantū

com



commendatur, inquit Plinius, licet sine odore sit, & coronarius: & obseruatur semine, tamen aestate floret, non autem per hyemem. 118

Anemone, de la passe fleur, uerbum ipsum sonat herbam uenti, quòd eius flos, dum uentus flat, aperitur: dum autem minus, clauditur. Ruellius fremium uertit in Dioscoride, quibusdam tamen fenion uocatur. Est autem duplex, satiua quæ florem rubrum habet, folia coriandri, & uulgo id nomen retinet quod superius dictum est: est etiam alia erraticæ, quam uulgus uocat, des coquerelles, quæ primo uere crescit, flore ceruleo, quo nostræ mulierculæ solent tingere oua, quæ uocant paschatis, les œufs de pasques. 119

Consolida minor. Græcis symphitum minimum, des marguerites, quibusdam etiâ des pasquettes, similis quidem est illi cōsolidæ, quæ in pratis passim crescere solet: sed hæc est satiua magis, & cultura elegantior apparet. dicta consolida, quòd eius folia coniunctas partes & coherentes faciat, quæ prius disiunctæ fuerant. Est & symphitum petreum, dictum, quòd in petris & locis saxosis nascitur: uulgus buglam uocat, du bugle. est præterea aliud symphitum magnum, quæ cōsolida maior uulgo dicitur, de la consyre, cuius radix tam acri uirium robore est prædita, ut si olla ad ignem imponatur cum dissectis carnibus, eas conglutinet, & ex multis frustis, unam tantum partem faciat. Est item alia consolida quæ media dicitur, atq; hæc non omnibus nota est. Sed hæc de coronarijs floribus satis sint dicta. æquum est nunc, ut ad aliam aream digrediamur, quæ odorata uocabitur.

Area



## AREA ODORATA. 120.

**S**ECUNDA hortuli nostri area, odoratas herbas complectetur, quæ aut florem nullum habent, aut si quidem habeant, eo tamen non utimur in coronis, quin potius tota herba, quæ ex se ipsa suauem odorem refert. Itæque ab abrotano incipimus. 121

Abrotanum, quod mas appellamus, uulgus nostrum uocat, delauroesne, sarmentosum est, amarum admodum, odore non usque adeo iucundo, minusque album quam fœmina: semine tenui, ac numeroso. 122

Abrotanum autem fœminam, quidam chamæcyparissum uocant, hoc est cupressum humilem: arborescit enim, et quandam similitudinem habet cum ipsa cyparisso arbore, sed albius est: unde etiam uulgo nomen retinet, du cypres. fruticat autem arboris specie folijs serij modo minutim incis: candicat circum ramulos. Quinetiam flores permultos gerit, fulgoris aurei, atque in summo comantes. Eius autem sapor et odor abrotano mari admodum proximus. 123

Absynthium uulgus uocat de l' aluyne, alijs appellatur, du fort, propter insignem amaritudinem: fortassis ob id quod aloës saporem habeat, hoc est amarum admodum. Quidam tamen nomen Latinum inuitantes, uocant de l' absynse. 124

Sunt autem absynthij tria genera. Aliud enim est ponticum appellatum, quod Græci βαπνισπον uocauere, quia minus sit amarum: cuius pastu pecora in Ponto felle carere creditum est. Est autem folio et flore multo mino-

D ribus

ribus quàm cætera absynthia, habetq; facultatem astrin-  
gentem admodum, sed parum amarum est: atque id esse  
puto, quod uulgo absynthium Romanum appellamus.  
Aliud item est absynthium marinū, quod & seryphium  
dicitur, nobis quidem ignotum, sed tamen cuius semine  
quidam nos uti putauere, quam illi barbotinam uulgo di-  
cunt: qua condita utuntur aduersus infantium lumbrici-  
cos. Crediderim tamen potius, id semen esse eius absyn-  
thij, quod quidam Santonicum uocant, à Santone regio-  
ne Gallie quæ uulgo uocatur Santonge, unde & herba  
santonica à Columella est appellata: Estq; odore iucun-  
do, sapore minimum amaro. Ceterum, ut reuera dicam,  
id absynthium quo uulgo utimur, pugnat maxime cum  
descriptione Dioscoridis. Neque uerum absynthium au-  
dio apud nos reperiri, aut si reperitur, id quidē est apud  
Sanctones, aut circa Montem pessulanum. 125

Amaracum pro maiorana, quæ & sampsychnus dici-  
tur, Plinius & Dioscorides accipiunt: Galenus autem,  
sampsychnum quidem maioranā appellat, sed amaracum  
aliud esse contendit: nempe idem cum ea herba quæ par-  
thenion Græcis, hoc est uirginalis, matricaria Latinis di-  
citur: quòd contusa, matricis dolores sanet: uulgus no-  
strum uocat hanc herbam, de lespargoutte, à guttis spar-  
gendis: quòd eius folia trita & admota ori in dolore den-  
tium, guttas pituitæ spargant & eliciant. Eius herbe  
descriptio proxime accedit ad artemisiā, quapropter  
à quibusdam etiam parthenion appellata est. Sampsy-  
chnus autem siue sampsuchus, pro maiorana quam uul-  
gus uocat, de la matricoleine, indubie sumitur: Sed & Co-  
lumellam

lumellam & Plinium & Varronem, item etiam Vergilium, Lucretium, & Seruium, idem esse sampsychem cum amaraco asseruisse uideo : quapropter quid de hac re certi affirmem, nescio. Ait enim Vergilius secundo Aeneidos,

-ubi mollis amaracus illum

Floribus, & dulci aspirans complectitur umbra.

Quo in loco Seruius pueri cuiusdam meminit, quem regium unguentarium uocat, qui casu lapsus dum ferret unguenta, maiorem ex confusione odorem creauit.

Vnde optima, inquit, unguenta amaracina dicuntur.

Sed hic postea in herbam sampsuchum uersus est, quam amaracum uocat Vergil. Hæc Seruius. Columella uero,

Grataq; (inquit) iam ueniant hilari sampsycha Canopo.

de amaraco certe intelligit. Plinius item libro 12. capite

11. idem esse unguentum sampsychinum cum amaracino asserit, quod idem etiam facit Dioscorides libro primo, capite 67. Lucretius,

Aut amaracinis blandum stacteque liquorem. de illo oleo loquitur, quod ex maiorana fieri solebat, atque hinc pro uerbium, Quid cum amaracino sui? Quocirca in tanta uerborum controuersia, cum certi nihil affirmare possim: tantum illud mihi satis fuerit explicuisse, & quid parthenion, & quid sampsychus fuerit.

126

Artemisia, de larmoise, ab Artemisia uxore Mausoli regis quæ sibi hanc herbam uendicauit, dicta. quibusdam magis placet ab Artemide Regina Caria, uel ab Artemide Diana, quod instar Dianæ parturientes adiuuet, unde à Græcis parthenis, id est, uirginalis, primo

D 2

appel

appellata est, quòd uirgo dea illi nomen dederit: mox autem (inquit Barbarus) βασιλικὸν λᾶχάριον, id est regium olus appellauere. Duplex autem est Artemisia: alia enim latifolia, & hæc maxime hortensis est, odore acuto, sapore admodum amaro, ut hac ratione lumbricorum doloribus prosit: alia est tenuifolia, à Græcis leptophillos dicta: est enim folio multo minore quàm altera: sed odoris & saporis eiusdem. Crescit autem locis maxime sabulosis. Est præterea tertia artemisiæ species quam Apuleius Tagetem appellat.

127

Calamintha, calaminthæ, siue Calaminthe calaminthes, siue Calaminthum calaminthi: quidam putant eam esse, quæ uulgo dicitur herba catti, de lherbe au chat, quòd eius odore usqueadeò delectentur feles domestici, ut hac herba inuenta sese circunvolutent, & eam diutius atrectent. Quod si est, sanè erit tertia calaminthes descriptio, quæ in Dioscoride reperitur: quam nonnulli eandem esse cum galiopsi putant. Secundum autem Calaminthi genus, quod Dioscorides Nepetam siue Nepitam à Latinis dici asserit: folio quidem est origani, odore iucundo, multo inferiore mentæ.

128

Est autem triplex origanum siue origanus, nempe heracleoticus ab Heraclia ciuitate Ponti, in qua est frequens: habet autem folia hyssopi, & odorem eundem: Secundum origanum, quod agreste uocatur, folio est prioris origani: Tertium uerò, quod origanum onitis siue prasion dicitur, maioranæ simile folium habet, unde uulgus nostrum id uocat, marioleine Dengleterre: est enim, quantum ex ipsis Anglis intelligere potui, apud Britan-

nos

nos frequentissima.

129

Menta uerò, de la mente, multiplex quidem est, à Græcis hediosmos dicta, hoc est suaueolens: menta autem appellata, quòd suo odore mentem excitet. Sed quæ uera menta dicitur, du bausme, folio est pusillo, nigriore & longiore, caule rubro, neque adeò fruticat. Mentastrum autem, maior menta uocatur, hoc est quæ caule altiore & latioribus est folijs. Est & menta aquatica, quæ à Dioscoride cysimbrium dicitur.

130

Sed ut ad nostrum pulegium redeamus, est aliud pulegij genus, quod uulgo pulegium regale siue aquaticum dicitur, folia minuta habens, paulo maiora serpilli folijs, flores cæruleos, caulem ex albo roscum per singula internodia ambientes, Græci glichon uocant. Huic autem aquatico pulegio similis quædam planta in montibus & siccis locis crescere solet, quæ pollium montanum appellatur, du pouliot sauuaige: folio serpilli, sed paulo latiore, flore cæruleo: apud eum collem Lutetiæ uicinum frequens, qui Eritius dicitur.

Costus uel costum, uidetur quidem aliquantulum referre & uel ex ipso nomine conuenire huic plantæ quam uulgus nostrum uocat, du coq: est enim amara & odorata: ceterum alijs rebus haud satis refert descriptionem Dioscoridis: quapropter commodius fortasse fuerit, si uulgarem plantam nostram pseudocostum appellemus: nam & Ruellius potius eam esse dicit, quæ siue siliquastrum, siue piperitis ab antiquis appellata est. Ceterum tria costi genera fecit Dioscorides solis natalibus tantum inter se differentia: fuit enim Arabicus, Indicus & Syriacus

D 3 costus.

costus. Plinius uerò nigrum & album costum facit. 131

Hyssopus siue hyssopum, de l'hisoppe, inter odoratas herbas etiamnum annumerabitur, quanquam tamen iussulis condiendis etiam commoda sit. sed & floris carulei iucunditate coronamentis prodest: habet autem odorem satis acutum. Plinius lib. 25. cap. 11. 132

Nardus Celtica, ea est, autore Marcello, quam hodie lauandulam uocamus, de la lauande: dicta quidem Celtica, non quòd crescat, aut frequens sit in nostra Gallia circa alpes: sed in Liguria montibus circa Genuam, in Gallia comata, uersus Appenninum montem: item etiam in Pannonia. Lauandula autem dicta, quoniam magnum uestigal Genuensibus mercatoribus præbet quotannis in Africam eam ferentibus, ubi lauandis fouendisq; corporibus Lybes ea utuntur, nec nisi decocto eius abluti, mane domo egrediuntur. Hæc Marcellus in Dioscoridem. 133

Ozimon, regia herba, siue basilica aut basilicon à Liguribus uocata, du basilic, flagrantissimi & uehementissimi odoris, unde nomen accepisse credimus, nempe à uerbo Græco ὀῖω, quod significat redoleo. Ocymon autem (ne quis fallatur) ab ὀκνός dictum, hoc est à celeritate nascendi, est id quod in tritico & segetibus succrescit, ac sæpius ipsas segetes suffocat, uulgus nostrum uocat, de la dragee aux cheuaulx, estq; lenticula & uitia simul commista. Ocymum inquit Varro libro 1. de re rustica, capite 31. dictum ab ὀκνός, quod est cito: quia aluum bubus citet, & ideo ijs datur, ut purgentur. 134

Salvia

Salvia Latinis & Plinio, Græcis eleliphacos, de la saulge, dicta quòd saluos nos seruat & efficit. Est autem duplex: maior quæ & latifolia dici potest, uiresque minus efficaces habet: & minor, quæ uulgo franca dicitur, de la saulge franche, à Theophrasto sphacelus appellata: quæ à multis putatur esse lauandula: de qua prius dictum est, quam quidam nardum Celticam putarunt, cum potius pseudonardus dici debeat.

135

Satureia, de la sarriette, quibusdam etiam Thymbra appellatur, à qua Thymbræum Apollinem cognominatum putant: frequentior in iusculis quàm sertis aut coronis. Ouidius,

Sunt qui præcipiant herbas satureia nocentes Sumere.  
Columella autem Thymbram à saturcia separat. De hac uerò Plinius libro 19. cap. 8. Est & alia thymbra perpetuò uiuens, uulgo appellata, sarriette dangleterre, facultate multo calidiore quàm prior, folijsq; similibus, sed strictioribus & longioribus paulò, atque in ambitum serratis. Quam plantam memini me uidisse in horto amplissimi Cardinalis Parisiensis.

136

Ruta, de la rue, quam Græci peganon uocant. Duplex est, mas & foemina. Plinius lib. 20. cap. 13. Est item ruta satiua omnibus nota, quæ odore & gustu, pestilenti aëris inspirationi medetur: præterea etiam agrestis ruta, quæ à pharmacopolis armel uocatur, arabico nomine, estq; tetri admodum odoris.

Tanacetum Plinio, ea est herba quam uulgo uocamus, de la tanaïse, ne quis fortasse putet eam esse, quæ



athanasia dicitur Dioscoridi: illa enim eadē est cum ambrosia, quam antiqui cibum deorum fuisse confinxerunt, unde etiam immortalitatem præbere dicta est.

Chamæmelum, de la camemille, quod eius mali quod curtipendum uel capendutum uocamus, odorem habeat, Græcis antemis dicitur. 137

Thymus uel etiam thymum, du tin, apium mellifera- rum pabulum. unde Vergilius: *3. cec.*

Dumq; thymo pascuntur apes, dum rore cicadæ.

Sunt autem eius apud Hermolaum Barbarum genera duo: candidum quod radice est lignosa, & in collibus nascitur, estq; omnium optimum: alterum nigricante flore, minoris precij. 138

Est etiam epithymum siue epithymus, quod thymicuscutam conuertere possumus, dictum quia thymo superfloreat. Cuscuta enim, siue conuolulus Dioscoridi, si ramos thymi in hortis uicina apprehenderit, sese ita circumligat ipsi thymo, ut etiam ab ipsa eadem thymi radice nutrimentum sibi familiare accipiat, atq; etiam floreat quæadmodum ipse thymus, & uires etiānum similes à thymo mutuatur, interdū quidē maiores & uehementiores quod idē aliquando facit in hyssopo: & salvia. 139

Prasium Græcis, marrubium Latinis, quod nomen etiam uulgaris sermo retinet, du marrubium. Duplex quidem est: album, quod odore est iucundo, sapore amaro, hinc obstructions potētissimè liberat. aliud uerò nigrum, odore foetido, & folijs non usqueadeo albis, Græci appellant balotem, nos marrubium commune. crescit enim passim in agris circa margines itinerum: utrunque autem



autem marrubium folia mentastri habet, sed paulò maior.

140

Melissophyllon, uel meliphyllon, de la melisse, dictū à Græcis quasi folium apium, & melleum siue mellitum folium, Latinis apiastrum: non quòd sylvestre sit apium, quemadmodum mentastrum, ut Valla existimauit, sed quòd apibus iucundissimum sit, unde hac herba solent confricare aluearia ipsi rustici, siquando apes reuocare cupiunt dum aufugerunt: quemadmodum etiam dum cupiunt eas exire, confricant ea herba, quæ cotyla sœtida appellatur. Ceterum id apiastrum etiam à Latinis citrargo nominatur, quòd trita malum citrcum oleat, quod uulgus uocat ung citron.

141

Orminum siue etiam horminum, de la toute bonne, Plinius putat esse quam Latini cuscutam, hoc est sylvestrem asparagum uocant. Est autem horminum hortense & agreste. Hortensis autem hormini folia sunt latiora & albidiora, agrestis nigriora & strictiora, utriusq; caulis quadrangulus. Quidam tamen negant id olus hortense, quod orminum uocamus, esse uerum horminum: cuius opinionis est episcopus Megalonensis, uir cum multarum rerum cognitione insignis, tum maximè de herbariæ rei scientia bene meritus. Sed ut ad rem redeamus, Hortensis hormini flore & semine in dolio uini, dum adhuc fruet, imposito, aiunt gratiam maximam conciliari ipsi uino, & gustum referre uini odorati & cretici, quod uulgo maluaticum uocant.

142

Anethū, de lanet, marathio frere simile conspicitur, umbellamq; odoratam gerit, floribus luteis undiq; refertam,

D 5 quos

quos siccatos in sole, & capsis suis impositos, nostræ mulierculæ in summis delitijs habent, ad uestium odorem, atq; etiam linteorum. Sed nunc ad aream olitoriam ueniendum.

## AREA OLITORIA. 143

**T**ertiam hortuli nostri aream olitoriam appellabimus, nempe in qua uarij generis olera reperiuntur, quibus tum in acetarijs, tum etiam in iusculorum condimentis utimur. Quapropter duos eius areæ pulvinos faciemus. Alterum quem acetariū uocabimus, in quo herbas eas recēsebimus, quibus crudis, & oleo, aceto, ac sale conditis uestimur præsertim æstate: alterum quem condimentarium dicemus, in quo eas etiam referemus, quibus in cōdiendis iusculis, uel ad saporis gratiā, uel etiā ad uētremsoluendum utimur. Ac primum de acetarijs dicendum.

### PVLVINVS ACETARIVS. 144

Primum igitur declarabimus quid acetarium, deinde uerò ad eas herbas quibus acetaria fiunt, ueniemus.

Acetarium, uel salade, ab aceto fortassis deductum est, quòd herbe ipse cum aceto & sale ederentur, quemadmodum salita uulgo, tum apud nos, tum etiam apud Italos appellatur, à sale. Plinius uerò ab accipiēdo acetarium deduci uidetur innuere lib. 19. cap. 1. Horti (inquit) maxime placebant, quia non egent igni, parcerentq; ligno. Expedita res, & parata semper, unde & acetaria appellabantur. Itaq; ab accipiēdo deduci uidetur, quòd ex ipsis hortis expeditæ herbe, & paratæ semper in usum nostrum à nobis accipi possent. Iam ad ipsas herbas

bas descendamus.

145

Lactuca, quam Græci Thridacem uocant, uel lactue. Dicta ( inquit Palladius in Ianuario ) quòd abundantia lactis exuberet : quod quidem lac uentrem leniter mouere dicebatur : unde apud ueteres in primis epulis ueniebat. Mart.

Prima tibi dabitur uentri lactuca mouendo Vtilis. Ceterum lactuca est agrestis & hortensis. agrestis quidem alia est, quam nonnulli pro uera endiuia ostendunt: Quædam uero quæ chondrylla uulgo dicitur, atq; ea est quæ materno sermone à nostris appellatur, du lettron. folio quidem cychorij, latiore tamen, albiori, & minus inciso, sed lactescit quemadmodum lactuca. Hortensium autem lactucarum quædam sunt sessiles, crispæ, & capitatæ, quas uulgo uocat, des lettues a pomme : quoniam dum percreuerunt, folia earum ueluti mali cuiusdam speciem rotundam præ se ferunt. quædam altè assurgunt, & eæ quidem omnes dum grandiores sunt, amarescunt. Est etiam lactuca crispi folij, inquit Columella capite 3. libro 11. quæ Ceciliana & Betica dicitur: à regionibus in quibus crescit.

146

Seris Græcis, ea est quam Latini intibum, siue intibam, siue intubum uocant, nos uulgo ab intibo nomine corrupto uocamus, de lendine. Vnde prouerbiū ab eius amaritudine deductum, Intiba successit ambrosiæ. Est enim, inquit Vergilius, amaris intiba fibris. quæ tamen eradicata & terra obruta amaritudinem deponit: id enim ab olitoribus didicimus. Eadem herba Celso uocatur etiam ambubaia, & quibusdam Italis scariola. Est autem duplex,

duplex, satiua & agrestis. Satiua, rursus etiam duplex, latifolia, quam cichorion domesticū uocamus: angustifolia, quæ, ut prius dixi, endiuia uulgò dicitur, nomine corrupto ab intibo. Erratica uerò siue agrestis intiba, proprio nomine cichorion appellatur, de la chicoree, quam etiam ab insigni amaritudine Græci picrida uocauere. est autem duplex, quemadmodum prior. 147

Cicerbitam Latini atque adeò Columella, Græci sonchon appellant, quandam intibi, siue ambubaie speciem, atque etiam lactucæ: nam & lacte abundat, quæ antiquis esui erat, & in hortis scerebatur. Est enim mollis & esculenta, nunc autem nobis neglecta, & tantum cuniculorum cibo commendata, uulguis uocat, du laceron. Est & præter hanc etiam altera agrestis herba huic propemodum similis, sed animalibus ingrata, propter spinosa folia. Huius quidem herbae speciem esse crediderim, quam appellamus à foliorum figura dentem leonis, sed in caulem non assurgit: uulguis nostrum uocat, du pisse en list. est enim syluestre intubi genus, quapropter eam Plinius inter genera cichorij annumerat, appellatq; hedipnoida libro uicesimo, cap. 8. 148

Malua, des maules, à molliendo dicta, quasi molua, inquit Varro, quòd aluum molliat. Ea enim utebantur antiqui etiam in acetarijs cum lactuca ad soluendam aluum. Vnde Martialis:

Vtere lactucis, aut mollibus utere maluis.

Idem libro decimo. 48.

Exoneraturas uentrem mihi uillica maluas

Attulit, & uarias, quas habet hortus, opes.

Et nos

Et nos quoque hodie maluarum decocto uti solemus in clysteribus ad aluum ciendam, & urinas. Desijt enim satia esse malua. Erraticarum autem maluarum quedam est pumila, & humi serpens, fertq; flores ex caeruleo purpurascentes: quedam altius attollitur, & arborescens malua appellatur. Quedam est etiam, quæ flores ueluti rosæ similes autumno gerit, quos uulgus uocat, rosas doultre mer, ut prius à nobis dictum est.

149

Est & alia maluarum species, quæ folium mollius & duplo crassius habet, quàm ipsa malua simplex, unde nostris bismalua appellatur, des guymaues, Græcis ebiscus, siue ibiscus, atque etiam althea dicitur. Vergil.

Hædorumq; gregem uiridi compellere ibisco. hoc est, ut quidā interpretantur, bismaluae caulibus: arborescit enim in tantam altitudinem, ut apud Germanos agros culmina domorum pertingere uideatur. Hoc autem caule utebantur pastores, quod flexilis esset, neq; adeò durus, ut tactu animalia offendere posset.

150

Est præterea alia maluarum syluestrium species, quæ Græcis Alcea dicitur, frequens in sylua D. Mauri iuxta Parisios: folia habet maluæ, sed incisa magis, ad uerbendam accedentia, caules tres, aut quatuor habet cortice cannabinò uestitos. Videto Dioscoridem.

151

Acantha, siue acanthos, siue acanthus, inter herbas emollientes hodie usurpatur, quemadmodum & malua. Quapropter succurrit, ut hoc loco à nobis describatur, quanquam in acetarijs non ueniat. Hanc autem uulgus brancam urfinam appellat, nisi mauis dicere brancam hircinam. Folia enim habet cornibus hircorum similia.

Cete

Ceterum emolliendæ alui facultatem retinet, unde à Vergilio mollis acanthus dicitur : & à medicis inter quatuor remollitiua, quæ appellant, annumeratur : quibus utuntur in decoctione clysterum. Plinius libro 22. capite 22. Acanthos (inquit) est topiaria & urbana herba, elato longoq; folio, crepidines marginum assurgentiumq; puluinorum toros uestiens. Duoq; eius genera facit, aculeatum & crispum. Porro acanthi folio ueteres ob pulchritudinem & figuræ elegantiam epistilia communiebant, & uestibus preciosis figuram acanthi foliorum circutebant. Vnde Vergil.

Et circumtextum croceo uelamen acantho.

152

Oxalis uulgo nota, de loxeille, à sapore acetoso dicitur, unde adhuc Italica acetosa appellatur. Multiplex quidem est: satiua, quæ latiora folia habet, caulem uersus pediculum rubescentem, atq; ea tum in acetarijs, tum etiam in iusculis usus est. agrestis, quæ multo minora & numerosiora folia habet : quam uulgo uocat, de la uinette, à succo quodam uinoso. ea autem nostræ mulierculæ in ardore febrium utuntur : contusa enim & cum sale carpo imposita mirè refrigerat. Sed tum agrestium quàm satiuarum sunt rursus multæ aliæ species.

153

Portulaca, du pourpier, quibusdam etiam de la pourceleine, Græcis andrachne dicitur, uulgo nota: habet subrotunda folia, crassa, qualia in aizoo maiore uidemus. Estq; maior & minor, quæ foliorum magnitudine tantum inter se differunt. Est & portulaca, quæ aquatica dicitur, folia tenuiora habens & latiora, florem item subrubrum & rotundum : præterea altius attollitur.

154

Bipin

Bipinnella, de la pinprenelle, dicta quòd folia habeat circum ipsum cauliculum alternatim diuifa, ac semper gemina, ut ueluti in duas pinnas assurgere uideantur. Est autem herba huic propemodum similis, quæ Græcis empetron, Latinis saxifragia dicitur, quòd in locis petrosis nascatur, et frangendo in uesica calculo plurimum sit utilis. Ceterum hoc differt bipinnella à saxifragia, quòd hæc pilosa folia non habeat, illa uerò maximè: præterea bipinnella (præsertim quæ uera est) trita, cucumeris odorem refert, quemadmodum et alia pratensis herba, quæ uulgò ulmaria dicitur, quòd ulmo similia folia gerat: præterea confractus bipinnellæ caulis, ueluti neruum quendam in medio habere uidetur: cuiusmodi in plantaginis folio confracto apparere solet. quæ omnia signa saxifragiæ non insunt: quinetiam ipsa saxifragia, flore (qui purpureus apparet) decidente, aculeum quendam oblongum ostendit acui similem, unde quibusdam acicula appellata est.

155

Vtimur etiãnum in acetarijs ea herba, præsertim condita, ut solet capparis, quæ Græcis Crethmon, siue crithmon, aut crithamon dicitur, estq; empetri, hoc est saxifragiæ species: Latinis cristamarina, batis, siue baticula dicitur: uulgus nostrũ appellat, de la bacille, de la creste marine: Itali del fenocchio marino. plurima inuenitur condita cum sale et oleo apud pharmacopolas.

156

Et quando capparis nomen nunc incidit, commodius est, ut de ea etiam tractemus. Capparis igitur frutex est ramosus, per terram sparsus: ab radice una interdũ duodecim, nonnunquam etiam triginta ramos producens:

ubi



ubi iam grandior est, spinas acutas profert, atque ob id à nonnullis cynosbatos, hoc est sentis caninus dicitur, de quo prius latius dictum est. Folia autem malicotonei gerit: florem oliuæ similem: qui conditus, quemadmodum prius in crithmo diximus, cum sale & oleo, saporis est optimi: & acetarij uice per hyemem à nobis editur: uulgus nostrum uocat des cappres. Ceterum stolones etiam gerit, longos tres aut quatuor cubitos: crescit maxime in rudibus, & coagmentis lapidum. 157

Asparagus, des asperges: Duplex quidem est, altilis & hortensis, stolones oblongos producens, qui facillime quidem coquuntur & celerrime, ac deinde aceto & oleo conditi, primis mensis edi solent pro acetarijs. hinc pro- uerbiū de re quam celerrime perfici dicimus, citius quam asparagi coquantur. Est & asparagus erraticus, qui ueluti lignescit, & spinosa folia habet: profertq; stolones admodum exiles, qui si in hortis transferantur, nunquam grati sunt saporis. Satiuos autem asparagos Columella à rusticis suis antiquis corudā uocari dicit. Quo in loco subit & obiter illud adnotem, antiquos asparagorum nomine usos pro omnibus herbarum, arborum, aut fruticum stolonibus, aut si mauis dicere, turionibus, uulgus nostrum uocat, des reiettons, qui ab antiquis edi solebant acetariorum uice, habebanturq; in summis delicijs: Græci ἀσπράγδα uocauere. 158

Cardamum Græci, Latini nasturtium appellant, du creffon alenoys. Dicitur autē cardamum ἀπὸ τῆς καρδίας, quoniam cor fouet, & in sincopa illa, quam medici cardiacam uocant, plurimum ualet: nempe dum uires alicui repente



repente deficiunt, ut animo linguatur. Nasturtium autem appellatum est, à naribus torquendis, quòd odore & seminis acrimonia, sternutamenta prouocet: unde etiam à quibusdam Gallis uocatur hodie, du nasitort: semen autem habet simile synapi, folium cruce diuisura, sed & sapore & odore acri.

159

Est & aliud Nasturtium aquaticum, à quibusdā cardamine appellatū, quòd sapore sit cardamo simili. Quidam eam herbam esse putant, quæ Græcis Sion, Latinis lauer dicitur: unde literarum metathesi pro uerba berula postea dicta est corruptè, uulgus uocat, de la berle. habet autem folia utrinque pennata, saporem uerò Sisymbrij, quod uulgo balsamita dicitur, estq; folijs mentæ, sed maioribus: nam de priori sisymbrio Galeni intelligo: quod ueluti pseudomenta, uel mentastrum appellatur.

160

Sisymbrium autem alterum Galeni quod aquaticum est & syluestre, & à quibusdam cardaminem appellari dicit, quòd cardamo simile quiddam gustu præ se ferat: omnino putarim id esse, quod nostri crescionem à crescēdi celeritate appellant, du creffon: Cuius sanè maxima est apud doctos contentio. Hermolai enim argumento id quidem olus non potest esse, quod Sion à Dioscoride & Galeno describitur, quanquam sanè in eisdem aquis cum Sio crescere ut plurimum soleat: sed Sion frigide naturæ est, præterea leuiora & tenuiora folia habet & odorata, cruce similia dum grandescit. Sisymbrium autem siue crescio, calidum est maximè, ut etiam menses & Venerem cieat: præterea folia habet crassiora, & breuiora ac ro-

E

tun

tundiora, minusq; odorata, neque incisa.

161

Eruca Latinis, Græcis euzomos, quoniam iura commendet, uulgo de la requette: dicta quidem salax poëtis, quòd Venerem moueat sua caliditate: idcirco lactuca iungitur in cibis, ut contrariam uim temperet. Est autem similitima huic herbæ, quæ in uallis nostræ urbis frequentissima est: potissimum ad D. Iacobi & Michaëlis suburbia: sætet autem mirum in modum, & florem luteum gerit, appellaturq; erysimon Græcis. Hæc autem cruca hortensis, quæ Itali maximè utuntur, in acetarijs & epulis, flore est paulò pallidior: cæterum trita, rapum olet, neque grati odoris mihi unquam uisa est. Itaque eandem prorsus existinem fuisse cum nostræ uallari herbæ: sed hæc agrestis & inculta est, folioq; longiore & acuminate: illa uerò satiua & hortensis, folio obtusiore, latiore & breuiore, & minus inciso. Est præterea alia cruca, quæ proprio nomine agrestis cruca dicitur, passim in nostris uitibus crescens, folio satiuæ simili, strictiore tamen, & minore, flore luteo: quæ præsertim circa Calēdas Ianuarij erumpere uidetur è terra: nam alio tempore uix reperitur: eius enim semen diutissimè in terra asseruatur, priusquam germinet.

162

Senecio, du ceneffon, etiamnum in acetarijs gratissima est, quanquam à nostris rarò assumatur: est folio cruce, flore luteo, qui tandem ueluti in pappos euanescit, quos uulgus puerorum appellat, barbe dieu. Græcis dicitur he-rigeron, hoc est uernus senex, uel cito aut uere senescēs, quòd cito in pappum & lanuginem abeat.

163

Lapathum Græci, Latini rumicem, Barbari lapatium uocant

uocant eam herbam, quæ uulgo parella dicitur, de la parelle, de la patience. Huius autem quatuor genera facit Dioscorides: quorum omnium folia, semen, & radix ad ulcera cacoëthe ( quæ etiam malefica ulcera capitis manantia uocantur, la male tigne ) mederi optimè certum est. deterforiam enim facultatem habent admodum efficacem.

164

Lapathum autem satium multiplex est: aliud enim est quod folia oblongiora & latiora habet, atque id quidem uulgo uocat, de loseille, de qua prius in oxalide. Aliud est folio multo breuiore & subrotundo, quam uulgo uocat, oseille de Tours: atque ob hoc quidam lapathium rotundum appellauerunt.

165

Est & oxilapathum, dictum quidem à saporis aceditate, non autem à foliorum acumine, ut quidam putauerunt, qui lapathium acutum uocant ab acutis folijs: atque hoc quidem Picardi uulgo nominant, de la surelle.

166

Aliud autem lapathum est agreste & erraticum, quod quidem in pratis, syluis ac montibus frequentissimum est: habetq; folia plantagini similia.

167

Est item aliud lapathum maius, quod Græci hippolapathum uocant, quasi lapathum equinum: non quòd aliquid habeat cum equo simile: sed quòd tantum sit omnium maximum. Id enim solent gratiæ in suis compositionibus obseruare Græci, ut quas res magnas, aut amplas facere uolunt, equi, aut bouis appellatione declarant: quemadmodum in hipposelino, hippomaratro, buglossò & buphthalmo uidere est. Atqui hoc quidem lapathum maius latissimum folium habet & lon-

E 2

gissi

gissimum, semen & radicem rabarbaro similem: hoc tantum folia inter se differunt, quod folia rabarbari parte inferna incisa sunt, & ad pediculum minus lunata. Crescit potissimum in aquis, unde etiam hydrolapathum à Græcis dictum.

168

Borago boraginis, des bourrouches, cuius floribus cæruleis utimur in acetarijs delicatioribus, quibus etiam conditis, pro cibo delicatissimo uescimur. Omnes in ea opinione sunt, ut ea herba sit, quæ antiquis dicebatur buglossa, siue buglossum, aut etiam buglossus, hoc est bovis lingua: quod linguae bubulae similia folia habeat. Sed floris similitudine inter se aliquantulum differunt. Faciemus itaque duo buglossi genera: atque alterum quidem, minus buglossum uocabimus, eritque uulgaris nostra borago: alterum uero maius, quod alio nomine circion à Dioscoride appellatur. Atque hinc illud est, quod Cato in libris de agricultura admonet, insitioni admouendum folium linguae bubulae, ne aqua intromittatur: quod quidem de boraginis nostrae folio intelligendum: latius enim folium habet, quam quod circion dicitur: eius enim circij folium triquetrum est, & oblongius, atque etiam albicans, floresque amariores gerit, quam ipsa borago, quæ & folia habet nigriora, & flores dulces. Quapropter Barbarus cum de buglossò agit, illud semper addit, quæ uulgo borago dicitur. Dicta quidem borago, ut quibusdam placet, quasi corago, quod ex uino pota animi letitiam augeat, unde Græcis euphrosyne appellata. Estque melancholicis optima ad animi letitiam conciliandam.

169

Cereph

Cerephyllum, du serfueil, dictum quòd cerea folia, hoc est flexibilia, uel cerei coloris habeat. Caue autem ne pro cerephylo, serpillum dicas, ut nonnulli uoluere. nam serpillum, id est, quod passim in uijs agrestibus serpit, unde etiam nomen traxit: uulgo uocat, du serpolet. Quòd autem Plinius ait cerephyllum, à Græcis etiam pæderota appellatum, id quidem nescio quo iure affirmet. Audio enim eam herbam, quæ Græcis acanthos, uulgo branca ursina appellatur (cuius folio ueteres epistilia insignia reddebant, quòd in quamuis formam flexibile esset) etiam pæderota appellari, hoc est puerilem, quòd ea pueri ludentes oblectarentur & gesticularentur, quemadmodum lappæ maioris folio, quæ ob id personata dicta est: quòd ea herba ueluti personas faceret pueri uultu operto & obducto ipso folio.

170

Tarco, uulgo du tarçon, herba ueteribus incognita, quæ hortulanorum diligentia & industria nobis in usum uenit: folio est hyssopi, longiori tamen: quod dum editur, saluam prouocat sua caliditate. estur in acetarijs cum sale & oleo.

171

Feniculus, siue feniculum Latinis, du fenoueil, Græcis marathron dicitur, soletq; dum adhuc tenellum est, necdum in caulem assurrexit, in acetarijs uenire, non enim altè assurgit, appellaturq; feniculus dulcis, quæ quidem dulcedo inest semini, tum à solo, tum etiam à satione. Est & aliud feniculum maius, quod ueluti arborefcit, & à Græcis hyppomarathrum uocatur, ea ratione quæ prius dicta est in hyppolapatho. Aliud est insuper, quod nunquam attollitur in altam magnitudinem, & minora folia

E 3

habet

habet, quàm feniculum commune : uocaturq; id à Græcis meon, uulgò autem feniculus tortuosus dicitur. Quinetiam aliam quandam herbam pratensem, daucum creticum, & folio, & umbella referentem audio à nostris uulgò feniculum porcinum appellari, quòd folia feniculo similia habeat, & porcis saginandis proffit. Caterum (ni fallor) ea est, quæ peucedanum Dioscoridi dicitur, Latini herba stataria. Mittit enim peucedanum tenuem ex se caulem, gracilem, feniculo similem: & circa radices densa copiosaq; coma foliosum.

## PVLVINVS CONDIMENTARIVS. 172

Cramben Græci, Latini brassicam appellant, des choulz, quasi caules dicere uelimus, quo etiam nomine à Catone appellata est brassica. Sunt autem brassicarum multe species, quas qui persequi uellet, tum à differentijs ipsarum, tum etiam à facultatibus, infiniti propemodum esset laboris. Est enim rubra, alba, & uiridis brassica, quæ omnes eandem facultatem habent. Est item Theophrasto brassica crassa, item etiam leuis, quæ à Græcis leophyllos dicitur: & agrestis, quæ omnium efficacissima est, crescit quæ locis maritimis & præruptis. Est insuper crambe capitata, des choulz cabuz, omnium in ciuibis delicatissima: quæ quidem Columella, & alijs rei rustice scriptoribus eritiana dicitur. Quinetiam alia est quæ à Græcis crambe thalattria, Latinis brassica marina appellatur (crescit enim locis maritimis frequentius) quæ à Plinio olus marinum dicitur: uulgus autem nostrum soldanellam uocat: est enim consolidandæ rupturæ

pturae admodum commoda & utilis. Ceterum brassica ex lachrymis Lyncurgi, quidam natam fuisse dicunt, unde etiam ad ebrietatem plurimum ualere putant.

173

Atriplex Latinis, Graecis atraphaxys, uulgo des ar-roches, des bonnes dames, quidam ab atrore dictam putant, quidam uero imitatione Graecae uocis atraphaxys. Oulus atriplicis, inquit Columella libro 11. quod Graeci uocant atraphaxym, circa Calendas Octobris obrui debet. A nonnullis etiamnum Chrysolachanum dicitur, hoc est, olus aureum: quod quaedam atriplicis species sole lucente, aureum colorem oculis reserat. Est autem triplex eius oleris species: quoddam enim album inuenitur, quoddam etiam rubrum, aliud uero uiride. Sed omnium eandem esse in purgando uentre facultatem certum est. suntque omnes semine foliaceo.

174

Beta, de la porree, olus uulgo notissimum, dictum à similitudine quam habet cum β littera Graeca, dum semine turget: habet enim summitatem in cacumine reflexam. Atque eadem ratione à caulis rectitudine quae littera iota similitudinem quandam reserre uidetur cum matura est, à quibusdam, nempe in agro Turonensi Iota appellatur, de la iote: ultimi Picardi Romanos appellant, des romas, quod id olus à Romanis primum inuentum sit: nonnulli etiam Longobardos uocant, des lombardettes, nempe Tornacenses: Delphinates reparatam nominant, quod nomen etiam ab antiquioribus medicis in usu fuit. Quidam etiam siclam uocant: sed haec magis rubra est: est enim alia alba, alia etiam nigra, quae omnes uentrem

E 4 optime



optime soluunt. Vnde *Martialis*,  
 Et pigro uentri (inquit) non inutiles betas.  
 Sed beta candida magis aluum subducit, cuius etiam ra=  
 dix tenuioris essentiae creditur. *Græci* autem *Betam*  
*Teutlon* appellauerunt. 176

*Blitum*, olus omnium insipidissimum & fatuum: unde  
 uulgo rudes & inutiles, bliteos appellamus, blistres: no=  
 bis autem ignotum, sed apud *Hispanos* & *Italos* fre=  
 quens: habet autem semen foliaceum, ut atriplex, race=  
 mosum, ut beta. Caterum folia nostris *spinacijs* fere simi=  
 lia. Quapropter facile iudicauerim nostrum esse blitum,  
 quæ *spinacia* uulgo uocamus, des *espinartz*, à *spinoso*  
 semine: quorum nulla mentio apud antiquos plantarum  
 scriptores. *Hispani* tamen aiunt se habere aliud bliti ge=  
 nus, à nostris *spinacijs* longe diuersum. Itaq; quid statuā  
 non habeo, ac litem ipsam sub iudice relinquam. 177

*Selinon* *Græci*, *Latini* apium uocant: estq; illud quod  
 nos uocamus uulgo du persil: & quia in præruptis mon=  
 tium *Macedoniae* crescit, ideo petroselinum *Macedoni*=  
 cum appellatur, du persil *Macedoine*: est autem id omni=  
 no simile nostro hortensi & domestico selino, nisi quod  
 odore est paulo iucundiore: omnia enim agrestia, præse=  
 tim quæ in saxosis & petrosis crescunt, multo ualentio=  
 ra sunt satiuis, & odorem uehementiorem præ se ferunt.  
 Semen itaque & folium petroselini *Macedonici*, sunt  
 multo efficacioris roboris, quàm selini aut apij domesti=  
 ci siue hortensis. Quod autem uulgo (& id quidem fal=  
 so) uocamus apium *Macedonicum*, apparetq; selino  
 maius, id sanè est quod *Græci* *hipposelinum*, *Gaza* equa  
 pium



pium uertit, Latini olusatrum & olus pullum appellant. Columella lib. 11. cap. 3. Atrum olus (inquit) quod Græcorum quidam hipposelinum, nonnulli smyrnion, pastinato loco, semine debet cōseri, maxime iuxta maceriam. Atqui smyrnion hodie quidam putant esse, quod nos leuisticum dicimus, uulgus uocat, de la leueffe, quidam falso ligusticum siue libysticum uocant. Est autem apij species, dicta quidem smyrnion, quasi parua myrrha, quod eius semen atq; adeo tota plāta, odore myrrham refrat. Quod uero uulgò apium uocamus, de lache, proculdubio est id quod Dioscorides eleoselinon uocat. Petroselinum autem nostrū uulgare, est id quod ille uocat oreoselinum, hoc est selinum montanum, quod in montibus & saxosis locis potissimum crescit: unde nomen petroselino, ut iam dictum est.

178

Crocus, du saffran, unde croceus color appellatus, qui flori ipsius croci similis est, & crocota uestis, quæ croceo colore tincta est, de qua in libello De re uestiaria satis diximus: est autem croci flos, lilio quadantenus similis, sed cæruleus, floretq; quotannis: multas spicas & adnata aut nucleos producere solet, qui tertio quoque anno castrādi sunt & separādi, alioqui suffocaretur tota planta adnatorum multitudine: Caterum hyeme uiret, floret autem maxime autumnno, & in medio flore uirgulas quasdam rubras ostēdit: quæ deinde siccata & aqua dissolutæ, iusculis colorem & gratiam præbent: postquam autem flos croci decidit, folia multiplicantur.

179

Porri quoq; folia & radices in iusculis edi solent, uulgus uocat des porreaulx, olus notissimum. Cuius cum

E 5 satio

satio fit densior, ut inquit Columella ad fibras intendenda & folia desecanda, ut sint esui in iusculis, id quidem sectium appellatur. cum autem ita depangitur, ut fiant capita latoris incrementi, id quidem Columellæ capitatum porrum dicitur: cuius cultus, assidua sarritio est, & stercoratio, nec alius tamē à sectiui porri cultu, nisi quod toties rigari & stercorari, sarririq; debet, quoties demeritur. Est autem aliud porri genus agreste, quod quia in uitibus frequentius crescit, Græci ampeloprason, hoc est porrum uitium appellauere: est autem folio tithymalli (inquit Dioscorides) flore purpureo, caule lychnidis herbae, semine nasturtij. Est & aliud porri genus, quod cum allio degenerat, atque ob id à Græcis scorodoprasum appellatum, hoc est allium porraceum: est enim porri folio, sed odore & sapore allij, adnata non habet, neq; spicas: aut si quidem habet, rarissimæ sunt. frequens in pratis crescit.

## AREA ESCARIA.

180

VENIAMUS nunc ad quartam hortuli nostri aream, quam ab ijs herbis quæ esui nobis esse possunt, escariam appellabimus: præter eas tamen quæ in priore area consertæ & explicatæ sunt: illarum enim folijs & caulibus tantum uti solemus, tum in acetarijs, tum etiam in iusculis: harum uero tum fructibus, tum etiam radicibus uescimur, non solum coctis & præparatis, sed etiam crudis: quemadmodum rustici solent, qui propter continuos & assuetos labores, uentriculo sunt admodum robusto. Itaq; æquum fuit earum seorsim herbarum propriam

& pe

Et peculiarem arcam fecisse. Cuius tamen, quemadmodum et prioris quæ olitoria dicebatur, duo etiam erunt puluini. In quorum altero eas herbas committemus, quarum fructibus uariè preparatis quotidie uestimur. In altero uerò, eas recensebimus, quarum radices in alimoniam uertimus. Sed iam æquum est, ut ad priorem puluinum ueniamus, quem ab ipsis herbarum fructibus, fructuarium appellabimus. Sunt enim nobis necessario confingenda nomina, ut res ipsa et magis succincte, et magis propriè à nobis pertractetur. Neque uerò legibus oratorij astrictus esse debet, qui quæ oratoris non sunt (hoc est forensis causidici, et rhetoris) Latinis uocibus efferre cupit.

## PULVINVS FRUCTUARIVS. 181

Fructus sanè herbarum uarij sunt, alij enim in rotundam malorum formam succrescunt. Quales sunt peponium species uariæ, item mandragoræ quoddam genus, cuius fructum nos poma Cupidinis, Itali melexanas uocant: alij uerò seminum esculentorum gratiam ac dulcedinem nobis præbent, quale est marathrum, de quo iam supra diximus: item etiam anysum, et corianum, quod nos coryandrum uocamus: addam etiam papauer, quod tamen medicamentosum est magis: huius enim semine ad somnum conciliandum utimur. Aliæ denique herbæ suæ etiam folia fructuum uice nostro gustui suauissima reddunt: cuiusmodi sunt eæ de quibus in arca superiori à nobis fusissime dictum est. Sed iam à peponibus incipiendum.

182

Peponum itaque multa sunt genera, ab ipsorum sapore et figuris petita. Est enim uentrosus pepo, qui uulgo dicitur

dicitur pompon, estq; ab ipso pediculo usque ad oculum striatus. Est præterea alius paulo oblongior, strijs non usqueadmodò prominentibus, quem focunnam appellant, atque hanc uulgus quoque peponam uocat. Sunt & alij pepones quos hircos siue hircinos aut hircas uocamus, pompons turquins, habenturq; apud nos in summis delicijs: suntq; coloris multum uiridis, ut nigri quodammodo appareant: saporisq; admodum delicati. Quinetiam arte hortensi & diligenti sationis cura ab olitoribus hoc est inuentum, ut peponum semen saccaro, aut aqua saccarata irrigatum, ipsis fructibus qui deinde succrescunt, saporis admodum dulcis qualis est saccari, gratiam addant: quemadmodum quoq; pira moscata & rosacea fieri uidemus: pepones itaq; cuiusmodi uulgo saccarati uocantur, pompons succarins.

183

Melopepones autem à Græcis dicti, quasi cydonij, ἀπὸ τοῦ μᾶλον, hoc est, à pomo uel malo, quod dum absolute profertur, de cydonio intelligitur, quod & cotoneum appellatur, uulgus uocat, ung coing: Itali Latine uocis uestigia retinentes melo cogdonio. habent autem melopepones mali cydonij figuram, eosq; uulgus appellat melones, des melons, quos ut cognoscamus & discernamus à peponibus, sciendum est pepones maiores esse, striatos, in ipsa cavitare aquam habentes, carnem molliorem, leuiorem, & insipidiorem: melopepones autem, duriorum magis, firmam & solidam: porro paruam habent cavitatem cum multis seminibus: neque tam grandes sæpius reperiuntur quam ipsi pepones, succumq; iucundiorum habent, & carnem ut plurimum albi-

cantem.

cantem.

184

Est & alius pepo, qui citrulus à practicis medicis uocatur, quasi citreolum dicere uelint, quòd citrei mali colorem & formam habeat, estq; quantum audio saporis cucumerini. Cuius folia à peponum aut melonum folijs hoc differunt, quòd pluribus incisuris diuisa sint, ueluti in alarum aut pennarum formam.

185

Succurrit hoc loco, ut inter peponum genera adnueremus eos, ueluti pepones in Melita insulæ Siciliae proxima frequentes, quos uulgus Italorum bothecas uocat: reperiuntur enim etiam apud Italos, præsertim in Campania: habent autem folia melonum folijs similia, tamen latiora, florem quoque similem sed latiore: fructum uerò multo crassiorum, strijs haud tam facile perspicuis. Quinetiam pediculum crassum habent, in quo uidentur maxime à melonibus differre. Caterum fructus uarij sunt, alij enim albicantes, alij natura multò uiridiorum apparent, qui cum permaturuerunt, incredibilem dulcedinem ori præstant: Quorum succo ardenti fibre laborantes rustici Melitenses in potu utuntur.

186

Sunt præterea etiam alij pepones, quos uulgus uocat, pompons d'hyuer: nos uerò uulgarem quoque dictionem imitantes, pepones hybernos, siue maui hyemales appellabimus: possunt enim ad hyemem usque adseruari, neque unquam in ipso solo maturescunt, sed collecti, & solaribus appensi, tandem maturi & flauī fiunt, ut etiam hyeme gratissimum succum & cibum præbeant: est autem fructus eorum minor paulò, quàm peponum esse

esse soleat.

187

Et quia cucumerum pauloante mentionem fecimus: æquum est, ut de ijs etiam differamus. Cucumerem igitur quem uulgo uocat, ung concombre, duplicem facimus: satiuum & agrestem. Satiuum quidem descriptione non eget, atq; ab aliquibus, nempe Columella & alijs, uocatur anguinus à flexibus, quòd instar anguis sit flexuosus. Agrestis uerò, uulgo Cucumis asininus appellatus, folia habet priori similia, minora tamen, & incisa magis: sed fructum fert oliuæ similem, paulo maiorem & striatum aliquantulum, qui dum excernitur, ueluti uentosa sonat, & semen longissime iaculatur: cuius succo conficitur id medicamentum, quod medici elaterium uocant. Ceterum cucumis Græcis sicyos dicitur: quod nomen etiam cucurbita, & ei instrumento quo sanguinem extrahimus (uentosam quidam nominant) commune est.

188

De cucurbitis autem, hoc loco nihil est quod dicamus, etsi fructus sit esui commodissimus: satis enim dictum est de ijs in superioribus, ubi de pergulis egimus: applicatur enim cucurbita pergulis camerarijs, potissimum ea quæ fert fructum lagoenulis similem, quem quidam lagoenulatum uocant.

189

Mala insana, Barbarus in Dioscoridis caput 79. libri quarti, de mandragora, ea esse dicit quæ ab Italis melezana, à nostris poma Cupidinis uocantur, pommes d'amours, de quibus nihil à ueteribus scriptum fuisse uideo, sicut hercle multa quondam fuisse, quæ hodie uel ignorantur, uel certe non habentur. Mala ergo insana à frutice uulgari sunt passim nascente, ut melones & cucurbita:

bit.e: pari quoq; cultu, folijs propè ficulneis, flore oblongo, specioso, candido. Manditur uulgo pomum ex oleo, sale, pipere, fungorum modo coctum. Hæc Barbarus. Huiusmodi autem poma uidimus in hortis Renati Beilaij Cenomanensis episcopi, Cardinalis Paris. fratris. Sed & folia eius fruticis nobis apparuerunt parte altera spinis horrida: atque adeò totus caudex, & maxime quæ cuppula uulgò uocatur, sub qua continetur fructus: flos autem pallidior nobis uisus est, potius quàm albus.

190

Conseritur etiam in hortis frutex humi serpens, neq; se altius attollens, ex quinquefoliorum genere, fructum ferens esui gratissimum, rubescentem, præsertim dum maturuit, nucis auellane magnitudine: qui à nostris æstate habetur in delicijs, editurq; interdum cum cremore lactis, aut uino, saccaro imbuto, uocanturq; fraga, des frayses, suntq; omnibus nota. Virgilius,  
Qui legitis flores, & humi nascentia fraga.

Seruius grammaticus, nescio tamen qua ratione, mora terrestria appellat. Sunt autem quedam fraga, quæ à poëtis montana uocitantur, quòd passim in ipsis montibus & syluis crescere solent, ut ea ab ipsis terrestribus, aut satiujs distinguerent. Quinetiam fragorum quoddam genus nobis uisum est tam odorum, ut nihil odoratius dici possit. estq; is fructus paulò maior alijs fragis, quorum omnium, quemadmodum & rubi idæi, color duplex conspicitur: fraga enim sunt quedam alba, quedam rubra, eiusdem tamen utraque facultatis.

191

Corianon præterea, quod & Corion, & Coriadrum dicitur



dicitur, de la coriandre, in hortis nostris hodie conseri  
cœpit: folia habet ad radicē lata, quæ dum percreuerunt,  
sunt feniculo similia: paulo tamen latiora, ac quodammo-  
do flauescencia: florem album gerit, ueluti ex quadam  
umbella parum diuulsa, neq; admodum coacta prodeun-  
tem. Cæterum ipsa planta admodum foetet, nō secus atq;  
illa, quam cotylam foetidam uulgò uocamus: utrique ta-  
men idem odor non est: semen autem aceto maceratum  
esui quamoptimum est, alioqui inter uenena à Dioscori-  
de enumeratur, ut sua frigiditate mentem offendere dica-  
tur. Sed & coriandri semen, saccaro conditum cum any-  
so, & alijs permultis, pharmacopole in suis tragematis  
reponere solent: & in bellarijs à nobis editur. 192

Anysum autem, de l'aniz, cuius meminit Plinius lib.  
19. cap. 8. & lib. 20. cap. 17. quod & anicetum uocatur,  
quoniam anethi modo, inquit Barbarus, appetentiam ci-  
borum præstet: planta feniculo congeneri crescit, cuius  
prima folia latiora sunt alijs: quæ dum ipsa herba in cau-  
lem assurgit, semper minuuntur, semenq; ad ipsius fenicu-  
li saporem etiam accedit: dulcius tamen: quo utimur ad  
flatus uentriculi discutiendos, optimum autem in Syria  
& Aegypto nascitur. 193

Cynara, cardui satiui species, cuius summitate & ue-  
luti fructu (quem Græci scolymon, Latini strobilum uo-  
cant, quòd sit ipse echynus uel capitulus nuci pineæ simi-  
lis) in edulijs utimur: atq; hunc quidem Hippocrates co-  
calum uocat: cui dictioni articulus Arabum, subinde à  
quibusdam est additus, & alcocalus dictus est: deinde ue-  
ro corrupto articulo, articocalus, uulgo artichault. Tota  
autem

autem planta, atque adeo totus ipse carduus à Columella cinara appellatur, fortassis ob id quòd dum seritur & excolitur, cineribus maxime gaudeat: ait enim illè lib. 11. cap. 3. Cinaræ sobolem melius per autumnæ æquinoctium disponemus, semen commodius circa Calen. Martij seremus, eiusq; plantam circa Calend. Nouembris deprimemus, & multo cinere stercorebimus. Quidam tamen malunt cinaram à Cinara puella dictam, quæ in eius speciei carduum mutata est.

194

Papauer, etsi in edulijs frequens usque adeo non sit: tamen, & quia in nostris hortis frequentissimus est, & quòd eius semine plurimum in medicamentis utimur ad somnum conciliandum (unde soporiferum papauer à Vergilio dictum est) prætermittendum hoc mihi non uidetur, ut de eo dicamus.

195

Papaueris igitur (quod Græci Mecon, uulgus uocat du pauot) quatuor genera à Galeno enumerantur: quæ quidem uel à floris colore, uel à folio deciduo, uel à uasculis & semine, inter se differunt. Papaueris autem satius, aliud album dicitur, quod & flore & semine deprehendi tale esse potest: eoq; permultos uti uidimus in uasculis ad soporem concitandum: aliud uero nigrum appellatur, estq; tale & semine, & folijs, & floribus, quæ quidem nigricantia apparent: cuius multus & præcipuus usus est in re medica. Est & aliud papauer, quod Dioscoridi & alijs cornutum siue corniculatum appellatur: floremq; luteum gerit, cuius siliquæ in extremo ueluti colubri rictum præ se ferunt. Quarta papaueris species est, quæ passim in agris crescit, dum frumenta messim appe-

F tunt

tunt, diciturq; papauer erraticum aut Rheas, uulgo du ponceau, ou du coquelicoq, folia & semen papaueris habet: ceterum rubra, & admodum decidua, siliquas etiam multo minores. Illud autem memoria tenendum est, omnia papauerum genera, singulis annis semine erumpere, non ex uetere radice: solum papauer corniculatum radice esse perpetua, ac semine & radice crescere. Sed iam equum est, ut ad puluinum radicarium descendamus.

PVLVINVS RADICARIVS. 196

Absoluta ea hortuli nostri parte, quæ semina & fructus herbarum quibus uescimur, comprehendebat: superest tantum ut de ijs differamus, quarum radicibus aut crudis, aut coctis, quotidie in cibis utimur. Ac primum ab ipsa radícula incipiendum. 197

Radiculam Columella, Græci raphanum uel raphanida nocant, Itali uocem adhuc retinentes, un rauanel, Galli, une raue, appellauere: caule uno assurgit, frêre arboreo, ut in ruta cernitur: quapropter hoc oleris genus dendrolachana Græci uocant, hoc est, ut uertit Gaza oleriarborem, & quasi olus arborescens. Ceterum raphani radice cruda, minutim concisa, cum aqua & salis pauxillo, hodie utimur ad prouocandam ciborum appetentiam, & urinas promouendas. Tantum illud notandum est: radicem raphani, alias esse dulces admodum, alias subacreis, alias omnium acerrimas: quarum succo, cum oxymelite, Galenus usus est ad uomitum excitandum. Aliam præterea raphanum agrestem posuit Dioscorides, quam Romanis Armoraciam appellari contendit: folia satiuæ similia habentem, multoq; magis lapsanæ. Crescit potissimum

simum circa margines itinerum, & loca arenosa. Est in=  
super alia herba quæ radiculæ quoque nomen apud La=  
tinos retinuit, ab eius præcipua & utiliore parte, ne quis  
fortasse nominum affinitate hallucinetur: camq; Græci  
struthion uocant: nonnulli lanariam herbam uocauere,  
ab usu, quòd eius radix, quæ magna est, concisa, purgan=  
dis lanis admodum conferat. Plinius libro 24. capite 11.  
Spinosa est herba, caule lanuginoso, flore spectabili, sine  
odore, &c. 198

Rapum, siue napum, aut rapam Latini, Græci gongi=  
lida, siue gongilem appellant, uulgus uocat, ung nauet,  
genus oleris in usu frequentissimum apud nos, præsertim  
in condiendis iusculis. Sunt enim napi ipsis rapis conge=  
neres: Caterum utriusque uariæ sunt species, quas qui di=  
ligentius considerare uolet, requirat Theophrast. lib. 7.  
cap. 4. & Plin. lib. 18. cap. 13. & 19. Item de napo Bu=  
niade, Dioscoridem cap. 121. lib. 2. 199

Taceo hoc loco, quòd cyclaminum, siue tuber terræ  
(quem uulgus uocat, des truffes) Latini etiam rapum ap=  
pellauere, quia rapi similitudinem præ se fert, ut rapum  
esse dixeris, nisi fructum uideas: nascitur autem præcipuè  
autumno, & erumpit per tonitrua, ac quo in loco ere=  
scit, herbam aliam nullam inuenies. 200

Rapunculus autem siue napunculus, uulgò responce;  
radicula est diuitem lautiorumq; mensis petita, qua po=  
tissimum tempore quadragesimali utimur. Herba uero  
ipsa, folia gerit angusta, in mucronem desinentia, cauli=  
culos multilateros, florem cæruleum lichnidi herbæ si=  
mulem, nisi quòd numerosiores fert rapunculus, appa=  
rentq;

rentq; apud nos præsertim circa autumnum. Eam herbam quidam locustam, siue pedem locustæ appellauere, ab ipsius radicis similitudine: unde etiam existimauerunt Ioannis Baptistæ cibum in deserto fuisse: nam & locis incultis crescit: uerisimile enim non est animalibus illis quæ locustarum nomen habent, quenquam uesci posse. Neque uerò omnino alienum uidebitur, si etiam hoc dicamus, quandam esse herbam ueteribus incognitam, quæ uulgo scrofularia maior dicitur, radice propemodum similem ipsi rapunculo: gratissimi item saporis, & gustus iucundissimi: cæterum folia diuersa habentem, quemadmodum in chelidonio descripsimus. 201

Pastinaca duplex: agrestis, quæ & Daucus quibusdam appellatur (cum tamen à Dauco differat situ purpurei flosculi in medio umbellæ apparentis) uulgus autem nostrum pastinacam agrestem uocat, des panetz. radicem habet caro similem, quam rustici pro panace usurpant, folia utrinque distincta per alas. Est & satia quæ Columellæ lib. 10. cap. 4. edomita appellatur, quam (inquit) staphylinum Græci uocant: estq; hæc hortensis, & latifolia, radice multo crassiore & iucundiore quàm quæ erratica est, & à pharmacopolis Baucias appellatur: est enim tenuifolia, & radice minore: satiam autem pastinacam uulgus uocat, des pastenades, habetq; folia uitis & ficuum, stellatim disposita, florem luteum. 202

Panacis autem genera multa sunt, tum apud Plinium, tum etiam apud alios autores, quæ quidem difficilime in nostrum usum reduci possunt. Est enim panax, quod heracleoticum dictum est, siue heracium, quod ab Hercule

cule inuentum sit : estq; folijs asperis ad ficulnea tenden-  
 tibus, herbacei coloris, in ambitu quinquepartito diui-  
 sis, caule ut ferulæ altissimo, qui lanugine quadam inca-  
 nescit, flore luteo, semine odorato, radicibus multis ab  
 una origine prodeuntibus, succo graueolente, qui scal-  
 pello abrasus, ac deinde in sole siccatus, à pharmacopo-  
 lis opoponax appellatur : crescit autem potissimum circa  
 aquas. Est et panax Asclepium ab Aesculapio inuen-  
 tore sic dictum: quo nomine unam ex suis filiabus appel-  
 lauit. est autem folio maiore quam feniculus, caule leui,  
 geniculato, &c. uideto Dioscoridem. Aliud est præter-  
 eà panacis genus, quod Chironium dicitur, à Chirone  
 centauro medico inuentum. Estq; folio amaraci, flore au-  
 reo, radice parua, breui et odorata. Quinetiam ea her-  
 ba quæ Dioscoridi Ligusticum appellatur, quod in Apen-  
 nino Ligustico crescat circa Genuam, panacis species esse  
 creditur: est enim huic simulima : atque ob id ab indigenis  
 panax appellatur: radice autem et caule heracleotico pa-  
 naci simile est, caule tenui, geniculato: folijs fertulæ cam-  
 panæ, quæ Græcis melilotos dicitur, du melilot: molliori-  
 bus tamen, et odorantibus circa umbellā, in qua semen est  
 longum, durum, amarum, secundæ speciei Dauci conue-  
 niens. Quod autem pharmacopola corrupte leuisticum  
 appellant, de la leucesse, id ne credideris esse idem cum li-  
 gustico Dioscoridis, quod et Galenus Libyisticum ap-  
 pellat: id enim Ruellius noster, uir incomparabili doctri-  
 na et eruditione præditus, et rei herbariæ omnium lon-  
 ge peritissimus, putat esse uerum Smyrnum Dioscori-  
 dis, tota enim planta myrrham olet : Smyrnum autem

uerum, Manardus, singulare quoddam nostri temporis ornamentum, putat esse id quod uocamus petroselinum Macedonicum, ut prius iam dictum est. 203

Carus, siue caros, siue carum, cari uulgo, des carottes, radicem etiam nobis iucundissimam præbet, qualis est pastinacæ: rubram tamen, interdum etiam coloris buxci, quæ cum aceto & oleo ac sale editur acetarij uice: prius tamen cum uino cocta, aut inter cineres. Cæterum umbellam etiam pastinacæ similem gerit. 204

Sisaron Græcis, Romanis siue Latinis (inquit Dioscorides, Sifer) id esse putant omnes quod nos uocamus, des cheruitz, cuius radix elixa aut frixa esui nobis est gratissima, præsertim circa quadragesimæ tempus. 205

Cepa cepæ, siue cepæ ceparum, lachrymosum olus, multiplex, sed omnium uires eadem: tantum enim ex nationibus discrimina ceparum petita sunt, quæ Theophrastus lib. 8. de plantarum historia, & Plinius lib. 20. latius docuerunt. Sunt enim aliæ dulces, aliæ acres, quedam item albæ, & quedam rubentes. Sunt & cepollæ ab antiquis appellatæ, cepis quidem minores, quas uulgus nostrum appellat, des ciboules, quarum folijs ternis, interdum etiam quaternis tantum uti solemus in acetarijs, ad frigidorum olerum qualitatem emendandam. Sed & quæ paulo maiores sunt cepæ, quarum folijs & radice usus est in condimentis, puto à nostris appellatas, des ciuotz ou des oignonnettes. Marsica enim simplex quæ ab Hermodolao describitur, habetq; radicem ampliorem & foliam, atque ob id à rusticis, inquit, unio appellata est. sanè eam esse puto quam nostri, rusticam illam uocem imitan-

tes



tes, appellauerunt, oignon, quasi unionem dicere uoluissent. Ceterum, quæ cepæ sunt albæ & recentes, mitiores esse solent: quæ autem ueteres & flauæ, acriores. 206

Allium item, quod Græci scorodon uocant, uulgus nostrum, des aulx, non contemnendum in ruris honore & hortorum disciplina locum inuenit: honestum enim ac gratum rusticæ plebi obsonium: quapropter etiam à Columella inter hortorum delicias annumeratur libro 11. capite 3. Vlpicum, inquit, quod quidam allium punicum uocant, Græci autem aphroscorodon appellant, longè maioris est incrementi, quàm allium: idq; circa Calendas Octobris, antequam deponatur, ex uno capite in plura diuidetur: habet enim uelut allium plures coherentes spicas, eæq; cum sint diuise, liratim seri debent, ut in puluine posite, minus infestentur hyemis aquis. Hæc ille. Quibus uerbis, & quid sit ulpicum, & quid allium cognoscas. Ceterum est & allium syluestre, quod passim in pratis crescit, uocaturq; Græcis ophioscorodum, quasi serpentis allium. Scorodo-prassum autem aliud est allium porracei generis, de quo prius in porro diximus. Atqui uarias alliorum differentias, ut enumerare difficile esset, ita certè nimis longum & prolixum, quàm institutum nostrum exoptulat. Itaque qui hæc desiderabit, habeat in promptu necesse est Plinium, Dioscoridem, & Theophrastum. Tantum illud addam, postremis diebus apud nos quorundam studiosorum diligentia, inuentam fuisse illam herbam, quæ quia confricata allium quadantenus redoleat, à Græcis scordion appellata est, à

Latinis uerò trixago palustris, quòd locis palustribus potissimum crescat, hactenus quidem incognita. nam & pharmacopole huius loco aliam herbam, & facultate, & figura longè omnium diuersissimam usurparunt, quæ Barbaro scorodotis appellatur: nihil enim habet scordio simile, præterquam quòd allium redolet. Scordion enim multo minus est, & folia chamedryos gerit, quæ uulgo uocatur, de la germandree. 207

Bulbus Græcis siue bolbus, cibus Veneris irritamento potius quàm uitæ utilis: quo tamen ad prouocandam appetentiam utimur, unde uulgo nomen retinet, des appetitz. Latini Ascalonitas uocant, quod etiam nomen uulgius retinuit, des eschalottes. Martialis multis in locis salaces bulbos appellat: quod & ex illo epigrammate facile coniicitur:

Cum sit anus coniux, & sint tibi mortua membra,

Nil aliud bulbis quàm satur esse potes.

Est etiam bulbus agrestis, cuius flore rusticæ mulierculæ in suis coronis utuntur, quem Græci Condion uocant. Quinetiam alius est bulbus, qui lanosus dicitur, & in litore frequens: inter cuius primas tunicas, inquit Marcellus, & id quod manditur, tam uera lanæ est similitudo, ut ex ea uestes confici possint. Quinetiam alius est bulbus, uomitorius appellatus, ad differentiam bulbi cibarij. estq; folijs nigris, radice allio simili, & uomitum ciet. Sunt & alia permulta bulborum genera ab eorum magnitudine, colore & figura petita, quæ qui diligentius cognoscere uolet, requirat Theophrasti librum octauum de plantarum historia, & Plinium, apud quem Gallia Remensis hoc

hoc nomine laudatur, quòd bulbis plurimum abundet, sponte enim illic nascuntur & crescunt. 208

Asphodelus, quæ & hastula regia & albus dicitur (uulgius pharmacopolarum corrupto nomine uocat asphrodilorum) inter bulbos à Plinio connumeratur lib. 21. cap. 17. Est autem folio porracco, radice bulbosa, & multiplici, ut interdum ad triginta bulbos producat, magnitudine, figura, & sapore scyllæ radici similis: quæ esui erat antiquis cum ficibus, uel cocta inter cineres. 209

Seritur præterea in hortis, radice nomine, ea herba quæ Græcis helenium (uel quòd ex lachrymis Helenæ nata sit, uel quòd ab Heleno Troiano inuenta) uulgo autem enula campana, Columellæ Inula appellatur. Eius autem folium est latissimum, ad symphiti folium accedens, de quo prius à nobis dictum est: sed est albicans, & parte altera lanuginosum: florem gerit luteum, radicem crassam, & amaram, odoris optimi: quæ cum melle aut saccharo condita, aduersus aëris pestilentis noxam plurimum ualere dicitur: quo nomine etiam cruda à multis tempore pestis manditur: & in hortis eius rei gratia conseritur. 210

Atque hæc erit quartæ hortuli nostri aræ clausula: à qua dum recedimus, totam rei hortensis rationem breuiori, quàm fieri à nobis potuit, stylo, studiosis iuuenibus relinquimus: non enim ijs hæc scripsimus, qui in re herbaria tam sunt exercitati, ut tum Græcos, tum etiam Latinos autores omnes, qui de hac re diligentius scripserunt, faciliè teneant. Quapropter etiam medicas her-

bas, hoc est quæ medicis solis sunt cognitæ, præterea etiam eas quæ nostræ regioni familiares non sunt, omisimus. Tantum eas adscripsimus, quæ mediocritas nostra aut adsequi potuit, aut eruditissimi medici Iacobi Syluij, nostri in hac re præceptoris diligētia cognouisse. Quod si iuuenibus placere uidebimus (ut sanè placere debebit) futurū est, ut propediem seminarium à nobis accipiant, in quo arbores fructiferas, & quibus uiridaria conscri solent, adscriptas inuenient. Quod subinde subsequetur uinetum, eadem opera conscriptum: antiquorum morem in consferendis ac pangendis uineis exprimens, item uitium genera, atq; adeò herbas quas passim in ipsis uineis succrescere uidemus. Hoc unum præterea lectorem admonitum uelim, pro suo candore semper ut sit æquus ac facilis: si quid est in hoc libello utile aut rectum, id totum & suum & sua causa factum existimet. Si uerò quid erratum, aut minus rectè assertum, id quidem nostrum esse putet, à quibus humani, ut inquit ille, nihil est alienum. Ac si id uerum est, quod quotidie uidemus, nihil tam expolitum tamq; expurgatum fieri posse, in quo nō sit aliquid quod damnari ac reprehendi queat: est sanè unde nostram audaciam tueamur, quādo huic periculo omnes ex æquo subiacent. Si uerò etiam hac ratione calumniatores sibi minus satisfactum putent: conqueranturq; se uel quedam non intelligere, uel quibusdam locis offendidi, sequentes adnotationes legant: quæ sunt tantum eam ob rem à nobis post iam excussum libellum conscriptæ, ut ijs satisfacereamus, quibus res ipsæ haud satis explicatæ uidebuntur.

2

92 94

Annotationes eorum quæ fortassis uel minus rectè explicata, uel obscurius tractata sunt in hoc libello, ne quis calumnix sit locus.

In hedera, ubi de helice sermo est, ita habetur (Quarta est inter celsas quæ dicitur helix: folia multo minora habens quàm aliæ) ut expleas descriptionem, addito (angulata & concinniora) atque intelligito alias esse helicis species, quas ex Teophrasto & alijs requiras, si quidem uoles eas pernoscere.

Paulò post, de herba terrestri, quæ pro hedera terrestris falsò sumitur, ita scriptum est (Sunt enim eius folia incisa magis, & latiora) addito (etià asperiora, qualia marubij nigri, aut potius uiolæ nigræ, rotundiora tamen).

In descriptione chelidoniij minoris, quæ scrofularia dicitur (folio hederaceo minore tamen) addito (tenero & modice pingui) præterea (radicibus bulbosis) addito, tritici modo coaceruatis, & acribus: præsertim dum locis siccis crescit.

In adianto, uersus finem clausulæ, ubi de salvia uita sermo est (est enim eisdem uiribus prædita) addito, multo tamen inferioribus.

Post descriptionem asplenij, numero 30. (item etiam cyano) intelligito eam herbam, quæ cyanos Barbaro, à colore cyaneo dicitur, quæ uulgò baptifecula appellatur. non autem cyanum lapidem, qui uulgò lapis lasuli dictus est.

In descriptione sentis canis, ita legito (folia habet longè quàm myrtus latiora).

In

In Rhamno (Rhamnus, ung grosciller) ne quid absolute pronunciatum quis cauilletur: addito si uoles (ut multis, etiam doctis placet) deinde uerò cum legis primam Rhamni definitionem, quæ in Dioscoride est, nostro grossulario conuenire: haud ita absolute intelligito, ut in omnibus conueniat: nam in quibusdam tantum conuenire uidetur.

In Ligustro (fert corymbos nigros) sic intelligi debet, ut primum quidem uirides sint, deinde, ubi maturuerunt, nigri.

Matiana quoque addito (à multis sic uocata) nam id nomen ueteribus, atque etiam doctis quibusdam nostri seculi est ignotum. Præterea in fine descriptionis (baccas rubras gerit) addito (racematim dispositas).

In leucanthemo, ne quis hallucinetur, cum diuinauimus eam fortassis esse herbam ex Plinij descriptione, quam uulgus Iasminum (ita enim scribendum est) uocat: id plane diuinare fuit: nam paucis quidem in rebus Plinij descriptio in phalangite siue phalangio aut leucanthemo, nostro Iasmino conuenit. Itaque nolimus tam absolute pronunciare. Legi tamen in Barbaro postea, hoc uiole genus, Parthis & Persis antiquitus tantum fuisse cognitum, & nobis hætenus peregrinum: apud quos odoris causa post epulas gratissima ueniebat. Nam hi foetentis animæ uirus, multitudine ciborum & ebrietate natum, commendatione odorum accersita summoueabant. Quæ res nos admonet, ut ex ea ferè uiola alba compositum fuisse id unguetum intelligamus, quod Dioscoridi Iasminum siue Iasme appellatur. Nam & flos ipse candidus,  
atque

atque adeò tota planta nobis etiam uulgo Iesiminum dicitur: distinctiones, & harundinaceos parietes opere topiario conuestiens: folium habens in uiridi nigricantem, oblongum, fastigiatum, mucrone languido, magnitudine rosacei, sed angustum. Cæterum ipsi uiolæ mira est odoris suauitas.

In descriptione rosarum (Quas quidam damascenas nominant) addito etiam (coroneolas) nam id nomen Itali ijs rosis præcipuè dederunt.

Ac paulò post, in rosis autumnalibus (Quæ ex caule maluaceo funduntur) scribito, eas esse folijs hibisceis, multo tamen maioribus, & asperioribus.

In uite nigra. Sic legito (Cæterum uitis nigra folio & colore corymborum ab alba differt. habet enim folia hederæ similia) Atque hæc lectio multò facilior tibi uidebitur.

In lupulo (In Flaminia quoque (inquit Barbarus) uulgari nomine lupus reptiuus appellatur) Cuius duæ sunt species: quas tu ab Hermolao desumito. Non enim omnia percurrere possumus.

In halicacabo (Est præterea alia halicacabi species) Ne putes illud tam absolute pronunciatum, intelligito, non quidem omnibus ita uideri, sed multis halicacabi speciem esse credi.

In Narcisso (folio porraceo, &c.) ut descriptionem expleas, quando hæc herba pulcherrima est, & nobis admodum rara, ita scribito (folio porraceo, multò tamen tenuiore & minore: caule herbaceo, glabro, & concauo, altitudine supra dodrantem: flore albo per circuitum, in medio



medio autem croceo, & in aliquibus purpuræ aspectu).

In descriptione Baccharis (folia habet uiolæ similia) uisum est nobis postea commodius, integram descriptionem subnectere. Itaque hæc erit (folia habet aspera, magnitudine inter uiolam nigram & uerbascum : angulosus illi caulis, cubitali altitudine, aliquatenus asper, adnata multa habens. florem gerit ex albo purpurascentem, odoratum, radix autem illi est nigro ueratro similis, odore ferè amoni)

In Anemone (Est autem duplex. Satiua, quæ florem rubrum habet) Rectius legas propter ambiguum sensum (Satiua, quæ rursus multiplex est, puniceos enim flores quædam habet, quædam uerò albidos, quædā etiam purpureos. Omnes autem species, habent folia tenuissima, incisuris diuisa: ad terram inclinata, colliculos lanuginosos) Videto Dioscoridem capite 167. Cæterum ubi scriptum est erraticam, habere florem ceruleum, scito inueniri etiam purpureum.

In consolida minore, quod à nobis assertum est, non id quidem ex probatis autoribus habuimus: sed herbarijs quibusdam illud persuasum est, & uulgò, multas esse consolidarum species: quarum minimam aiunt eam esse, quæ uulgò dicitur, des marguerittes. Sunt autem apud Dioscoridem tantum duo symphiti genera: alterum quidem petreum, de quo suo loco egimus: alterum quod sola appellatione pro maiori symphito sumitur. estq; folio hirsuto, angusto, oblongo, ad linguæ bubulæ figuram accedente, cuius radix ui astrictoria plurimum pollet, ut diximus. Consolidæ uerò mediæ hoc addendum est, ueteribus

teribus ignotam fuisse, neque hodie quoque omnibus notam.

In Artemisia, tantum unam diuisionem fecimus latifolia, & tenuifolia. Atqui ne quidquam omisisse uideamur, altera rursus subdivisio facienda est, atque ita describenda (Duplex quidem Artemisia: latifolia, & tenuifolia. Latifolia rursus duplex: quædam enim est folio absynthij, maiore & pinguiore, quædam folijs latioribus & pinguioribus, crassioribus item ramulis. Sed & tenuifolia rursus duo genera: aliud folijs, & floribus tenuibus & exiguis, æstate florens, sed cuius flos candidus grauiter olet. aliud omnium exilius, singulari ramulo, quæ Artemisia monocaulon ob id à Græcis appellatur: flore tenui, abundante, & rutili coloris. uincit hæc odoris suauitate antedictam).

Origanum, ut uaria sunt in quibus crescit loca: ita etiam uariam (hoc est difficilem) non solum descriptionem, sed etiam opiniones uarias habuit. Quas cum non satis apertè in superioribus descripsimus: ne quis de obscuritate conqueratur: sic iterum describemus (Origanum multiplex, Heracleoticum, folia habens hyssopi, umbellam ueluti quædam rotula in orbem circumactam, multifidam, & quasi diuisam: semen illi in summis uirgis, non densum, non durum. Aliud appellatur Onitis, estq; folio priori simili, sed candidiore. Est & origanum sylvestre, folia antedictorum habens, ramulos semipedales, graciles, umbellam anetho similem, in qua flores albi conspiciuntur. Subortum est præterea nouum origani genus, folio sampsychi, id est maioranæ: herbarijs & officinis

nis cognitum : quo occidui aliorum loco utuntur, unde uulgo dictum, marioleine dangleterre, ou marioleine sauuaige)

In menta, uersus finem descriptionis (Est & menta aquatica, quæ Dioscoridi Sifymbrium dicitur, estq; duplex) atq; huius genera requirito ab ipso Dioscoride.

In pulegio ita legito (Sed ad pulegium ueniamus: cuius duplex est genus, aquaticum unum, alterum montanum. Aquaticum uulgo pulegium regale dicitur, folia minuta habens, &c.) deinde uerò in montano (flore ceruleo, caule dodrantali, in quo differt à serpillio)

In chamæmelo (Græcis anthemis dicitur) addito (Cuius tria sunt genera, floribus tantum inter se diuersa)

In prasio (utrunq; marrubium folia mentastri habet) addito (præsertim quod balote uocatur)

In portulaca aquatica, quod scriptum est florem habere subrubrum, ita nobis uisus est multis in locis : frequentissimè autem ceruleus apparet.

In bipinnella, uersus finem descriptionis, ubi de saxifragia sermo est, hallucinati sumus in flore & aculeo: gerit enim nostra saxifragia florem album, & aculeo caret: quem habet illa quæ geranion Dioscoridi, officinis collum gruis, siue acus pastoris dicitur. habet enim quædam eius geranij species folia bipinnellæ similia, florem ceruleum : præterea locis saxosis crescit. uulgus uocat l'herbe robert.

In Sifymbrio (sed Sion frigide naturæ est) ita intelligito, imbecillio rem calorem habere.

In hippolapatho, ne quis reprehēdat quòd scripsimus dictum

dictum, quasi lapathum equinum uel equilapathum, quemadmodum Gaza equapium pro hipposelino conuertit: ita intelligi debet, ut hippolapathum dicatur, quasi magnum lapathum, à dictione Græca ἵππος, que quibus dictionibus præponitur, ijs significationem auget, ut latius præscripto loco declaratum est. Sed hæc, ne quis cauilletur.

In feniculo dulci (quæ quidem dulcedo inest semini) addito (et toti plantæ) ac paulò post, de minore feniculo (et minora folia habet, quàm feniculum commune) adde (ad folia anethi accedentia).

In cucumere asinino (folia habet priori incisa magis) legito (aspera) ut sunt sanè, nam incisuræ parum apparent.

Quæ supersunt, Lectoris beneuoli iudicio,  
et æquitati committimus.

F I N I S.

G I N D

# INDICES DVO LATINARVM

& Gallicarum uocum, quæ in hoc libello explicata reperiuntur, quorum numerus, ijs numeris respondet, qui suo ordine per totum libellum conspersi sunt, & in fine sententiarum adnotati, uersus inferiorem marginem.

Quòd si in principio sententiæ, id quod queris, sese prima fronte tibi non offerat, legenda erit tota sententia, ne illud etiam ignores.

## A

Abrotanum mas	121	Alcanna	42
Abrotanum foemina	122	Alcea	151
Absynthium	123	Allium	206
Absynthium ponticū	124	Allium punicum	ibidem
Absynthium marinum, &		Althea	149
Romanum	124	Amaracus	115
Absynthium Santonicum		Amaranthus	117
ibidem		Ambrosia	136
Acantha	151. & 169	Ambubaia	146
Acetarium	144	Ambulationes	44
Acetosa	152	Ambulationes tectæ	47
Acicula	154	Ambulatiões subdiales	48
Æxipha	157	Ampeloprassum	179
Acuta spina	41	Ampelos agria	68
Adianton	28	Andrachne agria	27
Adnucularia uitis	67	Anemone	118
Adonidis & Hesperidum		Anethum	142
horti	11	Anguina cucurbita	76
Aizoon	27	Anysum	192
Alba hedera	22	Aphroscorodon	206
			Apia

# I N D E X.

Apiastrum	140	Basilicon.	133
Apium	177	B <del>at</del> o	35
Aqua rosacea	60	<u>Batis, baticula</u>	155
Area	80	Batus	35
Area coronalis	92	Batus Idæus	39
Area escaria	180	Baucias	206
Area odorata	120	Bedegar	37
Area olitoria	143	Berberis	41
Arearum sectio	86	Berula	159
Arcola	83	Beta	174
Areator	81	Bipinnella	154
Arnel	136	Bismalua	149
Armoracia	197	Blaptifecula	93
Artemisia	126	Blitum	176
Articocalus	193	Borago	168
Asaron	111	Botheca	185
Asparagus	157	Branca ursina	151, & 169
Asphodelus	208	Brassica	172
Asplenium	29	Brassica marina	<u>ibidem</u>
Atraphaxys	173	Bryonia, Bryonias	69
Atriplex	<u>ibidem</u>	Bryonia nigra	70
B		Bryton	72
Bacchar	111	Bubonium	115
Baccharis	<u>ibidem</u>	Bugla	119
Bacchica hedera	22	Buglossa	168
Balote	139	Bulbus	207
Balsamina	71	Bulbus uomitorius	207
Balsamita	159	Buxetum	62
Barbotina	124	Buxus, buxum	62
		G 2	Cala

# I N D E X.

C			
Calamintha	127	Chondrylla	145
Calendula	110	Chrysolachanum	173
Canina rosa	37	Cicerbita	147
Canirubus	36	Cichorion	146
Capillus Veneris	28	Cinara	193
Capparis	156	Circion	168
Cardamum	158	Citrago	140
Cardamine	159. & 160	Citrulus	184
Cariofilli	108	Clausura & munitiones hortorum	19
Carus	203	Clepsydra	15
Caules hortenses	24	Cocalus	193
Cedrus	64	Κολοκύνθα	74
Cedrides	64	Conserere hortum	13
Celsa hedera	22	Conserere locum	ibidem
Cepa	205	Consolida maior	119
Cepolla	ibidem	Consolida media	119
Κήπος	2	Consolida minor	ibidem
Κηπορὸς	5	Corianon	191
Κηπουρικὴ	12	Corolla, Corollarij	95
Cerephyllum	169	Coronamenta	93
Chamebatos	38	Coronæ frondæ	99
Chamæcyssos	22	Coronæ hybernæ	94
Chamædrys	206	Coronarij	95
Chamæmelum	136	Coruda	157
Chameciparissus	122	Costus	130
Characias, charancias	71	Crambe	172
Chelidonium minus	25	Crambe thalattia	ibidem
Chelidonia	25	Crethmon	155
		Cretica	



Cretica cupressus	65	sa	22
Crescio	160	Dendrolachanon	197
Crinon	113	Depilatorium	69
Crinon agrion	114	Dens leonis	147
Crista marina	155	Dionysia	22
Crocus	178	Dios anthos	117
Cucumeres	147	Dryopteris	26
Cucumis asininus	ibidem	E	
Cucurbita	74	Ebenotriches	28
Cucurbita anguina	76	Ebiscus	149
Cucurbita cameraria siue		Eleliphacos	134
plebeia	ibidem	Eleoselinon	177
Cucurbita marina siue bar-		Empetron	154
bara	ibidem	Enula campana	209
Cucurbita sativa	75	Epicurus hortorum magi-	
Cupressus cretica	65	ster	2
Cuscuta	141	Epithymum	138
Cyanos herba	93	Equapium	177
Cyclaminus	199	Eritiana	172
Cylindrus	81	Eruca	161
Cynosbatos	36	Erysion	161
Cynosrhodos	37	Escaria uitis	67
Cypros	42	Euphrosyne	168
Cyssampelos	23	F	
Cyssimbrinum	129	Facere hortum	14
Kūar	22	Facere duo aut tria spatia	
D		per ambulationem	45
Daucus	201	Fasciculus florum	100
Dendrocyssos, hederā cel-		Fasciculus literarū	ibidem
		G 3	Fat

# I N D E X.

Fatuus sapor	76	Heliotropium	110
Feniculi genera	171	Helix	22
Filicula	26	Helxine	23
Flammula	116	Hemerocalles	113
Flos omniũ mensium	110	Hemionion	29
Floralia	107	Herba catti	127
Fodere hortulum	16	Herba muralis	23
Foliata	46	Herba sabina	65
Fraga	180	Herba terrestris	22
G		Herba uenti	118
Galeria	46	Herba uetustis hortorum	
Gariofilata alba	103	parietibus sponte adna-	
Gladiolus	116	scentes	20
Glycea coronaria	97	Herigeron	162
Gongilis	198	Hierosolymitanum	po =
Grossæ	40	mum	7
Grossularium	ibidem	Hippolapathum	167
H		Hippomarathrum	171
Halicacabum	77	Hipposelinon	177
Hedera	21	Horninum	141
Hedera alba	22	Hortus	1
Hedera celsa	ibidem	Hortus instructus	10.17
Hedera humilis, siue terre-		Hortus olitorius	5
stris	ibidem	Hortus pensilis	6
Hedera nigra	ibidem	Hortus riguus uel irrigu-	
Hedera uitis	23	us	9
Hediosmos	129	Quæ ab antiquis obseruata	
Hedipnois	147	in Horto faciendo	18
Helenium	209	Horti Adonidis & Hesper-	
		ridum	

# I N D E X.

100

ridum	11	Lactuca	145
Horti Pompeiani, Sallu-		Lapathi genera	163
stiani, Luculliani, &c.	7	Lapis specularis	47
Hortensis	12	Lappa maior	169
Hortulus	7. & 12	Lauandula	132
Hortulanus	5	Lauer	159
Humilis rubus	38	Λέκων	113
Hyacinthus	108	Leontopodion	110
Hydrolapathum	167	Leucanthemon	58
Hypetræ	48	Leucoia	102
Hyssopus	131	Leucoion candidum	103
I		Leucoiō luteū	24. & 104
Ibiscus	149	Leuisticum	177. & 192
Illecebra	27	Libysticum	192
Interualla	85	Ligustrum	42
Intibum	146	Libanotis	55
Inula	209	Libanotis serax	56
Ios	105	Libanotis sterilis	ibidem
Iosfeminum	38	Liliago, Liliastrum	114
Iota	174	Lilium	113
Iouis barba	27	Lilium agreste	114
Iouis flos	93. & 117	Lilium conuallis	115
Iris	116	Locusta	200
Irrigare hortum	15	Luculliani horti	7
Irriguus hortus	9	Lupus reptiuus	72
Iuniperus	63	Lupus salictarius	ibidem
Iunonis rosa	113	Lupulus	72
L		M	
Labrusca	68	Maiorana	125
		G 4	Mala

# I N D E X

Mala insana	189	Olfactoriolum	100
Malua	148	Oleriarbor	197
Marathrum	171	Oleum de alcanna	42
Marrubium	139	Olitor	5
Mater uiolarum	105	Olitorius hortus	5
Matiana	43	Olus	ibidem
Matricaria	125	Olus aureum	173
Mecon	195	Olus marinum	172
Melissophyllon	140	Olus pullum	177
Melopepones	143	Olus regium	126
Menta	129	Olusatrum	177
Mentastrum	ibidem	Ophioscorodon	206
Meon	171	Origanon	128
Miraculosum pomum	7	Orminum	141
Muralium	23	Orthocysfos	22
Muscetō siue musceutō	60	Ortus	1
N		Oxalis	152
Napus	198	Oxicanthos	41
Nardus Celtica	132	Oxilapathum	165
Narcissus	109	Ozimon	133
Nasturtium	158	P	
Nasturtium aquaticū	159	Pæderos	169
Nectere coronam	96	Panacis species	202
Nepita	127	Paniculus	81
Nigra hedera	22	Papaueris genera	194
Nigra uiola	105	Parietaria	23
Nysia hedera	22	Pastinum	16
O		Pastinaca	201
Ocymon	133	Parthenion	125
		Peganon	

Peganon	136	Pseudocostus	130
Pepones	182	Pseudomenta	159
Pepones hyberni	186	Pseudonardus	134
Perdiciū siue perdicias	23	Psylotrum	69
Pergula	49	Pulegium aquaticum	130
Pergula recta	51	Pulegium regale	130
Pergula cameraria	51	Puluinus acetarius	144
Pergulana uitis	67	Puluinus condimentarius	
Personata	169		172
Pes locustæ	200	Puluinus fructuarius	181
Petroselinon	177	Puluinus radicarius	196
Peucedanum	171	Puluini	84
Phalangion	58	Q	
Phlomos	111	Querna filix	26
Φυλλίς	46	Quernea hedera	22
Phyllitis	29	R	
Platea	80. & 82	Radicula	197
Poligonaton	115	Raphanus	197
Polipodium	26	Rapus	198
Pollium montanum	130	Rapunculus	200
Polytrichon	28	Reparata	174
Pompeiani horti	7	Rhamnus	40
Poma Cupidinis	181.	ῥοδό	60
⊕ 189		Riguus hortus	9
Pomiū hierosolymitanū	71	Rosa canina	37. & 60
Pomum miraculosum	71	Rosa francha siue incay	
Porrum	179	nata	37
Portulaca	153	Rosa damascena, siue mo	
Prasium	128. & 139	schata	ibidem
32		G 5	Rosa

# I N D E X

Rosa Hiericantis	60	Scrofularia maior	100
Rosæ autumnales	ibidem	Sectio arearum	86
Rosa lunonis	113	Selinon	177
Rosæ marinæ siue trans-		Semperuiuum	27
marinæ	60	Senecio	162
Rosaceum	ibidem	Sentis canis	36
Rosarium, rosetum	61	Sepes hortorum	31
Rosmarinum	55	Sepes naturalis aut uiuæ	33
Rubus	35	Sepimentum	33
Rubus humilis	38	Septum	32
Rubus Idæus	39	Seris	140
Rumex	163	Serniæ	99
Ruta	136	Serpillum	169
<b>S</b>			
Sabina herba	65	Serta	99
Sallustiani horti	7	Sertula campana	192
Saluia	134	Sicla	174
Saluia uita	28	Sicyos	147
Sampsychus	125	Sigillum Salomonis	115
Satureia	135	Simphitum petreum	ibidē
Saxifragia	154	Sion	159
Scariola	146	Sisaro	204
Scolopendria	29	Siscr	ibidem
Scolymos	193	Sisymbrium	159. & 160
Scordion, scordiotis	206	Smyrniūm	177. & 192
Scorodoprassum	179	Solanum lignosum	68
Scorpioctonos	110	Soldanella	172
Scorpiuros	ibidem	Solisequium	110
Scrofularia	25	Somphos	76
		Sonchus	147
			Spe

Specularia	47	V	
Sphacellus	134	Vaccinium	108
Spinatia	176	Verbascum	118
Staphylinus	201	Vermicularis	27
Stolones arborum	157	Verrucaria	110
Strobilus	193	Vesicaria	77
Strophia, Strophiola	98	Villa	1
Struētilis sepes	32	Viola altilis	108
Struthion	197	Viola autumnalis	106
Subdiales ambulationes	48	Viola Cheiri 24. c.	104
Subdialia aut subdiuاليا		Viola lutea	24
48		Viola trinitatis	106
Sudariolum	100	Violaria	107
Symphitum magnum	119	Viola nigra, purpurea,	
Symphitū minimum	ibid.	Martia, quadragesima-	
T		lis	105
Tagete	126	Vitis agrestis	68
Tanacetum	136	Vitis alba	69
Tarco	170	Vitis adminicularia	67
Tectæ ambulationes	47	Vitis escaria	ibidem
Terracie	48	Vitis hedera	23
Thridax	145	Vitis nigra	70
Thymbra	135	Vitis pergulana	67
Thymus	137	Viua sepes	33
Trichomanes	28	Vlmaria	154
Tuber terræ	199	Vlpicum	206
Turiones arborum	157	Vnio	205



# INDEX GALICA.

## RVM DICTIONVM.

### A

Absynse	123	Berle	139
Ache	<u>177</u>	Binoire	16
Airè	81	Bonnes dames	<u>173</u>
Allee	4	Bouquet de fleurs	100
Alluïne	<u>123</u>	Bouillon blanc	112
Anet	142	Bourrouches	168
Aniz	<u>192</u>	Buglè	119
Appetitz	207	C	
Armoiries	<u>108</u>	Cabaret	111
Armoyse	126	Canemille	136
Arroches	<u>173</u>	Cappres	156
Arrouser ung iardin	15	Carreau	84
Artichault	193	Carottes	193
Asperges	<u>157</u>	Cedre	<u>64</u>
Aulbiffoins	93	Ceneſſon	162
Auroeſne	<u>121</u>	Ceterac	29
Aux	<u>206</u>	Chantepleure	<u>16</u>
B		Chappeaulx	<u>93</u>
		Chappeaulx d'hyuer	<u>94</u>
Bacille	155	Chappellet	<u>95</u>
Bâguenauldes	77	Chappeliere	<u>97</u>
Barbe dieu	<u>162</u>	Cheruitz	204
Basilic	133	Choulz	172
Batteur en granche	81	Choulz cabuz	ibidem
Baufme	129	Ciboules	205
Berceau	<u>51</u>	Cichoree	<u>146</u>

Ciuotz

Ciuotz	205	Faire deux ou trois tours	
Coloquintes	<u>74</u>	par lallee	45
Concombre	187	Faire ung chapeau	96
Consyre	119	Faire ung iardin	<u>14</u>
Coq	130	Fenouil	<u>171</u>
Coquelicoq	185	Feu ardent	69
Coquelourdes	93.117	Flambes	<u>116</u>
Coquerelles	<u>118</u>	Fort	123
Coriandre	181	Framboisier	<u>39</u>
Couchè	84	Frayfes	<u>190</u>
Couleuree	69	Fucillee	46
Courge	<u>74</u>	G	
Cresson	160	Germandree	206
Cresson alenoys	156	Geniefure	<u>63</u>
Creste marine	355	Giroflee	<u>102</u>
Cypres	122	Giroflee blanches	103
	D	Glaiz	116
Dragée aux cheuaulx	133	Grofeiller	40
	E	Guymauues	<u>149</u>
Endiue	146	H	
Eschalotte	207	Haye	32
Esclere	<u>25</u>	Herbe au chat	<u>127</u>
Escrouelles	<u>25</u>	Houblon	72
Esglantier	<u>37</u>	Hyssope	<u>131</u>
Espargoutte	<u>125</u>	I	
Esprinartz	176	Iardin	2
Esphine uinette	41	Iardin en ordre	10
	F	Iardin pres de leau	9
Fadè	76	Iardinet	12
		Iardinier	<u>12</u>

# I N D E X

Iardinier	5	N	
Ioſemin	58	Nafitort	158
Iote	174	Nauet	198
Ioubarbe	27	O	
L		Oeilletz	108
Labourer ung iardinet	16	Oignon	205
Laceron	147	Oignonnettes	205
Laiſtue	145	Oſeille	152. & 164
Lauande	132	Oſeille de Tours	152
Lettron	145	P	
Leueſſe	177	Pacquet de lettres	100
Lierre	21	Panetz	201
Liz	113	Parelle, patience	163
Lombardettes	174	Paritoire	231
M		Pasquettes	119
Male tigne	37	Passe fleur	118
Marguerittes	119	Passe uelours	117
Mariolcine	125	Pastenades	201
Mariolcine d'agleterre	128	Pauot	195
Maſſault	43	Perſil	177
Maulues	148	Pimprenelle	154
Meliſſe	140	Piſſe en liſt	147
Melon	183	Placè	82
Mente	129	Planche	83
Mettre en ordre ung iardinet	17	Planter ung iardin	13
Menue penſee	106	Poix de merueilles	77
Mouchouer	100	Pommes d'amours	189
Muguet	115	Pommes de merucilles	71
		Pompon	182

Pompons

# I N D E X.

Pompons turquins	ibidem	Sauinier	65
Pompons succarins	ibidem	Saulge	134
Pompons d'hyuer	186	Saulge franche	ibidem
Ponceau	195	Serfueil	169
Porree	174	Serpolet	169
Porreaulx	179	Soulsilz	110
Pouliot sauuaige	130	Surelle	165
Pourcelaine	153	T	
Pourpier	ibidem		
R		Tanaïsie	136
		Targon	170
Rauè	197	Tin	137
Reiettons	157	Toute bonne	141
Responce	200	Treille	49
Romans	174	Troesne	42
Ronce	35	Truffes	199
Roquette	161	V	
Roses de hierico	60		
Roses doultre mer	60. 148	Vigne de treille	67
Rosmarin	55	Vigne en friche	68
Rue	136	Villaige	1
S		Vinette	152
		Violiers	102
Saffran	178	Violiers blancz	103
Saillie	50	Violiers iaulnes	104
Sarriette	135	Violette	105
Sarriette dangleterre	135	F I N I S.	



BIBLIOTECA NAZ.  
ROMANA  
VITTORIO EMANUELE